

摘藻堂四庫全書薈要

集部

欽定四庫全書薈要卷一萬七千二百五十

集部

御定歷代賦彙卷三十一

都邑

兩都賦

有序

漢班固

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世迺崇禮官考文章內設金馬石渠之署外興樂府協律之事以興廢繼絕潤色鴻業是以衆庶悅豫福應尤盛白麟赤雁

芝房寶鼎之歌薦於郊廟神雀五鳳甘露黃龍之瑞以
為年紀故言語侍從之臣若司馬相如虞丘壽王東方
朔枚臯王褒劉向之屬朝夕論思日月獻納而公卿大
臣御史大夫倪寬太常孔臧大中大夫董仲舒宗正劉
德太子太傅蕭望之等時時間作或以抒下情而通諷
諭或以宣上德而盡忠孝雍容揄揚著於後嗣抑亦雅
頌之亞也故孝成之世論而錄之蓋奏御者千有餘篇
而後大漢之文章炳焉與三代同風且夫道有夷隆學

有麤密因時而建德者不以遠近易則故臯陶歌虞奚
斯頌魯同見采於孔氏列於詩書其義一也稽之上古
則如彼考之漢室又如此斯事雖細然先臣之舊式國
家之遺美不可闕也臣竊見海內清平朝廷無事京師
修宮室浚城隍而起苑囿以備制度西土耆老咸懷怨
思冀上之睠顧而盛稱長安舊制有陋洛邑之議故臣
作兩都賦以極衆人之所眩曜折以今之法度辭曰
有西都賓問於東都主人曰蓋聞皇漢之初經營也嘗

有意乎都河洛矣輟而弗康實用西遷作我上都主人
聞其故而覩其制乎主人曰未也願賓攄懷舊之蓄念
發思古之幽情博我以皇道弘我以漢京賓曰唯唯漢
之西都在於雍州實曰長安左據函谷二嶠之阻表以
太華終南之山右界褒斜隴首之險帶以洪河涇渭之
川衆流之隈汧涌其西華實之毛則九州之上腴焉防
禦之阻則天地之隩區焉是故橫被六合三成帝畿周
以龍興秦以虎視及至大漢受命而都之也仰悟東井

之精俯協河圖之靈奉春建策留侯演成天人合應以
癸皇明迺眷西顧實惟作京於是睇秦嶺賊北阜挾澧
灞據龍首圖皇基於億載度宏規而大起肇自高而終
平世增飾以崇麗歷十二之延祚故窮泰而極侈建金
城之萬雉呀周池而成淵披三條之廣路立十二之通
門內則街衢洞達問閭且千九市開場貨別隧分人不
得顧車不得旋闐城溢郭旁流百塵紅塵四合煙雲相
連於是既庶且富娛樂無疆都人士女殊異乎五方遊

士擬於公侯列肆侈於姬姜鄉曲豪舉遊俠之雄節慕
原嘗名亞春陵連交合衆騁驚乎其中若乃觀其四郊
浮遊近縣則南望杜霸北眺五陵名都對郭邑居相承
英俊之域紱冕所興冠蓋如雲七相五公與乎州郡之
豪傑五都之貨殖三選七遷充奉陵邑蓋以彊幹弱枝
隆上都而觀萬國封畿之內厥土千里卓犖諸夏兼其
所有其陽則崇山隱天幽林穹谷陸海珍藏藍田美玉
商洛緣其隈鄠杜濱其足源泉灌注陂池交屬竹林果

園芳草甘木郊野之富號為近蜀其陰則冠以九峻陪
以甘泉迺有靈宮起乎其中秦漢之所極觀淵雲之所
頌歎於是乎存焉下有鄭白之沃衣食之源提封五萬
疆場綺分溝塍刻鏤原隰龍鱗決渠降雨荷插成雲五
穀垂穎桑麻鋪荼東郊則有通溝大漕潰渭洞河汎舟
山東控引淮湖與海通波西郊則有上苑禁園林麓藪
澤陂池連乎蜀漢繚以周牆四百餘里離宮別館三十
六所神池靈沼往往而在其中迺有九真之麟大宛之

馬黃芟之犀條枝之鳥踰崑崙越巨海殊方異類至於
三萬里其宮室也體象乎天地經緯乎陰陽據坤靈之
正位放太紫之圓方樹中天之華闕豐冠山之朱堂因
瓌材而究奇抗應龍之虹梁列芬橑以布翼荷棟桴而
高驤雕玉璵以居楹裁金壁以飾璫發五色之渥彩光
燭朗以景彰於是左城右平重軒三堦閨房周通門闥
洞開列鐘虞於中庭立金人於端闈仍增崖而衡闕臨
峻路而啓扉徇以離宮別寢承以崇臺間館煥若列宿

紫宮是環清涼宣溫神仙長年金華玉堂白虎麒麟區

宇若茲不可殫論增盤崔嵬登降炤爛殊形詭制每各

異觀乘茵步輦惟所息宴後宮則有掖庭椒房后妃之

室合歡增城安處常寧茝若椒風披香發越蘭林蕙草

鴛鴦飛翔之列昭陽特盛隆於孝成屋不呈材牆不露

形裛以藻繡絡以綸連隨侯明月錯落其間金缸銜壁

是為列錢翡翠火齊流耀含英懸黎垂棘夜光在焉於

是玄墀釳砌玉階彤庭硤礧綵綴琳珉青瑩珊瑚碧樹

周阿而生紅羅颯纚綺組續紛精曜華燭俯仰如神後
宮之號十有四位窈窕繁華更盛迭貴處乎斯列者蓋
以百數左右庭中朝堂百僚之位蕭曹魏邴謀謨乎其
上佐命則垂統輔翼則成化流大漢之愷悌蕩亡秦之
毒螫故令斯人揚樂和之聲作畫一之歌功德著乎祖
宗膏澤洽乎黎庶又有天祿石渠典籍之府命夫惇誨
故老名儒師傅講論乎六藝稽合乎同異又有承明金
馬著作之庭大雅宏達於茲為羣元元本本殫見洽聞

啓發篇章校理秘文周以鉤陳之位衛以嚴更之署總
禮官之甲科羣百郡之廉孝虎賁贅衣闔尹閤寺陞戟
百重各有典司周廬千列徼道綺錯輦路經營修除飛
閣自未央而連桂宮北彌明光而亘長樂陵墜道而超
西墉混建章而連外屬設壁門之鳳闕上觚稜而棲金
爵內則別風樵嶢眇麗巧而聳擢張千門而立萬戶順
陰陽以開闔爾迺正殿崔嵬層構厥高臨乎未央經駘
盪而蟲馭娑洞杙詣以與天梁上反宇以蓋戴激日景

而納光神明鬱其特起遂偃蹇而上躋軼雲雨於太半
虹霓迴帶於芬楣雖輕迅乎標狡猶愕眙而不能階攀
井幹而未半目眩轉而意迷捨櫺檻而卻倚若顛墜而
復稽覓怳怳以失度巡迴途而下低既懲懼於登望降
周流以傍徨步角道以縈紆又杳窅而不見陽排飛閶
而上出若遊目於天表似無依而洋洋前唐中而後太
液覽滄海之湯湯揚波濤於碣石激神岳之蔣蔣濫瀛
洲與方壺蓬萊起乎中央於是靈草冬榮神木叢生巖

峻嶒碎金石崢嶸抗仙掌以承露擢雙立之金莖軼埃
竭之混濁鮮顥氣之清英騁文成之丕誕馳五利之所
刑庶松喬之羣類時遊從乎斯庭實列仙之攸館非吾
人之所寧爾迺盛娛遊之壯觀奮大武乎上囿因茲以
威戎夸狄耀威靈而講武事命荊州使起烏詔梁野而
驅獸毛羣內闐飛羽上覆接翼側足集禁林而屯聚水
衡虞人修其營表種別羣分部曲有署罟網連紘籠山
絡野列卒周匝星羅雲布於是乘鑾輿備法駕帥羣臣

披飛廉入苑門遂繞鄴歷上蘭六師發逐百獸駭彈
震震爚爚雷奔電激草木塗地山淵反覆蹂躪其十二
三迺拗怒而少息爾乃期門飲飛列刃攢鏃要缺追踪
鳥驚觸絲獸駭值鋒機不虛倚弦不再控矢不單殺中
必疊雙颭颭紛紛增繳相纏風毛雨血灑野蔽天平原
赤勇士厲援狄失木豺狼懾竄爾迺移師趨險並蹈潛
穢窮虎奔突狂兕觸蹶許少施巧秦成力折倚標狡扼
猛噬脫角挫脰徒搏獨殺挾師豹拖熊螭曳犀犛頤象

罷超洞壑越峻岕蹶漸巖巨石頽松柏仆叢林摧草木
無餘禽獸殄夷於是天子登屬玉之館歷長楊之榭覽
山川之體勢觀三軍之殺獲原野蕭條目極四裔禽相
鎮壓獸相枕藉然後收禽會衆論功賜胙陳輕騎以行
魚騰酒車以斟酌割鮮野食舉烽命爵饗賜畢勞逸齊
大輅鳴鑾容與徘徊集乎豫章之宇臨乎昆明之池左
牽牛而右織女似雲漢之無涯茂樹蔭蔚芳草被隄蘭
茝發色曄曄猗猗若摘錦與布繡燭耀乎其陂鳥則玄

鶴白鷺黃鸝鳩鵲鵠鵙鳬鷺鴻雁朝發河海夕宿
江漢沉浮往來雲集霧散於是後宮乘輶輅登龍舟張
鳳蓋建華旗祛黼帷鏡清流靡微風澹淡浮耀女謳鼓
吹震聲激越警厲天鳥羣翔魚窺淵招白鵬下雙鵠揄
文竿出比目撫鴻量御矰繳方舟並驚俛仰極樂遂迺
風舉雲搖浮遊溥覽前乘秦嶺後越九峻東薄河華西
涉岐雍宮館所歷百有餘區行止朝夕儲不改供禮上
下而接山川究休祐之所用采遊童之歡謠第從臣之

嘉頌於斯之時都都相望邑邑相屬國藉十世之基家
承百年之業士食舊德之名氏農服先疇之畝畝商循
族世之所鬻工用高曾之規矩築乎隱隱各得其所若
臣者徒觀迹於舊墟聞之乎故老十分未得其一端故
不能徧舉也

右賦西都

東都主人喟然而歎曰痛乎風俗之移人也予實秦人
矜夸館室保界河山信識昭襄而知始皇矣烏覩大漢

之云為乎夫大漢之開元也奮布衣以登皇位由數耆而創萬代蓋六籍所不能譚前聖靡得而言焉當此之時政有橫而當天討有逆而順民故婁敬度勢而獻其說蕭公權宜而拓其制時豈泰而安之哉計不得以已也吾子曾不是覩顧曜後嗣之末造不亦暗乎今將語予以建武之治永平之事監於太清以變子之惑志往者王莽作逆漢祚中缺天人致誅六合相滅於時之亂生民幾亡鬼神泯絕壑無完軀郭罔遺室原野厭人之

肉川谷流人之血秦項之災猶不克半書契以來未之
或紀故下人號而上訴上帝懷而降監迺致命乎聖皇
於是聖皇乃握乾符闡坤珍披皇圖稽帝文赫然發憤
應若興雲霆擊昆陽憑怒雷震遂超大河跨北嶽立號
高邑建都河洛紹百王之荒屯因造化之盪滌體元立
制繼天而作系唐統接漢緒茂育羣生恢復疆宇勲兼
乎在昔事勤乎三五豈特方軌並迹紛綸后辟治近古
之所務蹈一聖之險易云爾且夫建武之元天地革命

四海之內更造夫婦肇有父子君臣初建人倫實始斯
迺伏羲氏之所以基皇德也分州土立市朝作舟輿造
器械斯迺軒轅氏之所以開帝功也龔行天罰應天順
人斯迺湯武之所以昭王業也遷都改邑有殷宗中興
之則焉即土之中有周成隆平之制焉不階尺土一人
之柄同符乎高祖克己復禮以奉終始允恭乎孝文憲
章稽古封岱勒成儀炳乎世宗按六經而校德眇古昔
而論功仁聖之事既該而帝王之道備矣至於永平之

際重熙而累洽盛三雍之上儀修袞龍之法服鋪鴻藻
信景鑠揚世廟正雅樂神人之和允洽羣臣之序既肅
迺動大輅遵皇衢省方巡狩躬覽萬國之有無考聲教
之所被散皇明以燭幽然後增周舊修洛邑扇巍巍顯
翼翼光漢京於諸夏總八方而為之極是以皇城之內
宮室光明闕庭神麗奢不可踰儉不能侈外則因原野
以作苑順流泉而為沼發蘋藻以潛魚豐圃草以毓獸
制同乎梁鄒誼合乎靈囿若迺順時節而蒐狩簡車徒

以講武則必臨之以王制考之以風雅歷騶虞覽駟驥
嘉車攻采吉日禮官整儀乘輿迺出於是發鯨魚鏗華
鐘登玉輅乘時龍鳳蓋琴麗和鑾玲瓏天官景從寢威
盛容山靈護野屬御方神雨師泛灑風伯清塵千乘雷
起萬騎紛紜元戎竟野戈鋌彗雲羽旄埽霓旌旗拂天
焱焱炎炎揚光飛文吐燭生風欲野歆山日月為之奪
明丘陵為之搖震遂集乎中囿陳師案屯駢部曲列校
隊勒三軍誓將帥然後舉烽伐鼓申令三驅輜車霆激

驍騎電驚由基發射范氏施御弦不睨禽轡不詭遇飛
者不及翔走者不及去指顧倏忽獲車已實樂不極盤
殺不盡物馬踣餘足士怒未涖先驅復路屬車按節於
是薦三犧效五牲禮神祇懷百靈覲明堂臨辟雍揚緝
熙宣皇風登靈臺考休徵俯仰乎乾坤參象乎聖躬目
中夏而布德瞰四裔而抗稜西盪河源東澹海濬北動
幽崖南曜朱垠殊方別區界絕而不鄰自孝武之所不
征孝宣之所未臣莫不陸驚水慄奔走而來賓遂綏哀

牢開永昌春王三朝會同漢京是日也天子受四海之
圖籍膺萬國之貢珍內撫諸夏外綏百蠻爾迺盛禮興
樂供帳置乎雲龍之庭陳百寮而贊羣后究皇儀而展
帝容於是庭實千品旨酒萬鍾列金罍班玉觴嘉珍御
太牢饗爾乃食舉雍徹太師奏樂陳金石布絲竹鐘鼓
鏗鉤管絃曄煜抗五聲極六律歌九功舞八佾韶武備
太古畢四夷間奏德廣所及傑侏兒離罔不具集萬樂
備百禮暨皇歡洽羣臣醉降烟煴調元氣然後撞鐘告

罷百僚遂退於是聖上覩萬方之歡娛又沐浴於膏澤
懼其侈心之將萌而怠於東作乃申舊章下明詔命有
司班憲度昭節儉示太素去後宮之麗飾損乘輿之服
御抑工商之淫業興農桑之盛務遂令海內棄末而反
本背僞而歸真女修織紵男務耕耘器用陶匏服尚素
玄恥纖美而不服賤奇麗而不珍捐金於山沉珠於淵
於是百姓滌瑕盪穢而鏡至清形神寂寞耳目不營嗜
慾之源滅廉恥之心生莫不優游而自得玉潤而金聲

是以四海之內學校如林庠序盈門獻酬交錯俎豆莘
莘下舞上歌蹈德詠仁登降飫宴之禮既畢因相與嗟
歎玄德謹言弘說咸含和而吐氣頌曰盛哉乎斯世今
論者但知誦虞夏之書詠殷周之詩講義文之易論孔
氏之春秋罕能精古今之清濁究漢德之所由唯子頗
識舊典又徒馳騁乎末流溫故知新已難而知德者鮮
矣且夫僻界西戎險阻四塞修其防禦孰與處乎土中
平夷洞達萬方輻湊秦嶺九竇涇渭之川曷若四瀆五

嶽帶河汴洛圖書之淵建章甘泉館御列仙孰與靈臺
明堂統和天人太液昆明鳥獸之囿曷若辟雍海流道
德之富游俠踰侈犯義侵禮孰與同履法度翼翼濟濟
子徒習秦阿房之造天而不知京洛之有制識函谷之
可闕而不知王者之無外主人之辭未終西都賓矍然
失容逡巡降階揲然意下捧手欲辭主人曰復位今將
授子五篇之詩賓既卒業乃稱曰美哉乎斯詩義正乎
揚雄事實乎相如匪唯主人之好學蓋迺遭遇乎斯時

小子狂簡不知所裁既聞正道請終身而誦之

明堂詩

於昭明堂明堂孔陽聖皇宗祀穆穆煌煌上帝宴饗五位時序誰其配之世祖光武普天率土各以其職倚歟緝熙允懷多福

辟雍詩

迺流辟雍辟雍湯湯聖皇莅止造舟為梁皤皤國老迺父迺兄抑抑威儀孝友光明於赫太上示我漢行洪化

惟神永觀厥成

靈臺詩

迺經靈臺靈臺既崇帝勤時登爰考休徵三光宣精五行布序習習祥風祁祁甘雨百穀蓁蓁庶草蕃廡屢惟豐年於皇樂胥

寶鼎詩

嶽修貢兮川效珍吐金景兮歆浮雲寶鼎見兮色紛紜煥其炳兮被龍文登祖廟兮享聖神昭靈德兮彌億年

白雉詩

啓靈篇兮披瑞圖獲白雉兮效素烏嘉祥阜兮集皇都
發皓羽兮奮翹英容潔朗兮於淳精彰皇德兮侔周成
永延長兮膺天慶

右賦東都

西京賦

漢
張衡

有憑虛公子者心多體忤雅好博古學乎舊史氏是以
多識前代之載言於安處先生曰夫人在陽時則舒在

陰時則慘此牽乎天者也處沃土則逸處瘠土則勞此
繫乎地者也慘則彫於歡勞則褊於惠能違之者寡矣
小必有之大亦宜然故帝者因天地以致化兆民承上
教以成俗化俗之本有與推移何以覈諸秦據雍而彊
周即豫而弱高祖都西而泰光武處東而約政之興衰
常由此作先生獨不見西京之事歟請為吾子陳之漢
氏初都在渭之涘秦里其朔實為咸陽左有崤函重險
桃林之塞綴以二華巨靈顛負高掌遠蹠以流河曲厥

跡猶存右有隴坻之隘隔閼華戎岐梁汧雍陳寶鳴雞
在焉於前則終南太一隆崛崔嵬隱赫鬱律連岡乎嶓
冢抱杜含鄠欲灑吐鎬爰有藍田珍玉是之自出於後
則高陵平原據渭踞涇澶漫靡迤作鎮於近其遠則有
九嵎甘泉涸陰沍寒日北至而含凍北焉清暑爾乃廣
衍沃野厥田上上實為地之奧區神皋昔者大帝悅秦
繆公而覲之饗以鈞天廣樂帝有醉焉乃為金策錫用
此土而翦諸鶉首是時也並為彊國者有六然而四海

同宅西秦豈不詭哉自我高祖之始入也五緯相汁以
旅於東井婁敬委輅幹非其議天啓其心人恭之謀及
帝圖時意亦有慮乎神祇宜其可定以為天邑豈伊不
虔思於天衢豈伊不懷歸於粉榆天命不滔疇敢以渝
於是量徑輪考廣袤經城洹營郭郭取殊裁於八都豈
稽度於往舊爾乃覽秦制跨周法狹百堵之側陋增九
筵之迫脅正紫宮於未央表曉闕於閭闔疏龍首以抗
殿狀鬼竅以岌嶭亘雄虹之長梁結棼橑以相接蒂倒

茹於藻井披紅葩之狎獵飾華棖與壁璫流景曜之韡
曄雕楹玉碣繡栢雲楣三階重軒鏤檻文槐右平左城
青瑣丹墀刊層平堂設砌厓隙坻崿鱗眴棧齟巉嶮襄
岸夷塗修路峻險重門襲固姦宄是防仰福帝居陽曜
陰藏洪鐘萬鈞猛虞趙趙負筍業而餘怒乃奮翅而騰
驤朝堂承東溫調延北西有玉臺聯以昆德嵯峨嵒嵒
罔識所則若夫長年神仙宣室玉堂麒麟朱鳥龍興含
章譬衆星之環北極叛赫戲以輝煌正殿路寢用朝羣

辟大廈耽耽九戶開闢嘉禾樹庭芳草如積高門有閤
列坐金狄內有常侍謁者奉命當御外有蘭臺金馬遞
宿迭居次有天祿石渠校文之處重以虎威章溝嚴更
之署徼道外周千廬內附衛尉八屯警夜巡晝植鍛懸
猷用戒不虞後宮則昭陽飛翔增成合歡蘭林披香鳳
凰鴛鴦羣窈窕之華麗嗟內顧之所觀故其館室次舍
采飾纖縟裛以藻繡文以朱綠翡翠火齊絡以美玉流
懸黎之夜光綴隨珠以為燭金祀玉階彤庭輝輝珊瑚

琳碧瑤珉璘彬珍物羅生煥若崑崙雖厥裁之不廣侈
靡踰乎至尊於是鈎陳之外閤道穹隆屬長樂與明光
徑北通於桂宮命般爾之巧匠盡變態乎其中於是後
宮不移樂不徙懸門衛供帳官以物辦恣意所幸下輦
成燕窮年忘歸猶弗能徧瑰異日新殫所未見惟帝王
之神麗懼尊卑之不殊雖斯宇之既坦心猶憑而未攄
思比象於紫微恨阿房之不可廬覩往昔之遺館獲林
光於秦餘處甘泉之爽塏乃隆崇而弘敷既新作於迎

風增露寒與儲胥託喬基於山岡直帶霓以高居通天
諺以竦峙徑百常而莖擢上辯華以交紛下刻削其若
削翔鷲仰而弗逮况青鳥與黃雀伏櫺檻而頽聽聞雷
霆之相激柏梁既災越巫陳方建章是經用厭火祥營
宅之制事兼未央園闕竦以造天若雙碣之相望鳳騫
翥於薨標咸遡風而欲翔閭闔之內別風嶢嶢何工巧
之瑰瑋交綺豁以疏寮干雲霧而上達狀亭亭以岌岌
神明崛其特起井幹疊而百增峙遊極於浮柱結重欒

以相承累層構而遂躋望北辰而高興消雰埃於中宸
集重陽之清激瞰宛虹之長鬚察雲師之所憑上飛闥
而仰眺正覩瑤光與玉繩將乍往而未半怵悼悚而聳
兢非都盧之輕趨孰能超而究升馭娑駘盪燾稟桔桀
矜指承光睽眾虜豁增桴重焚鐐鐐列列反宇業業飛
檐轍轍流景內照引曜日月天梁之宮實開高闥旗不
脫局結駟方靳櫟輻輳驚容於一扉長廊廣廡途閣雲
蔓閉庭詭異門千戶萬重閨幽闥轉相逾延望竄窅窅以

徑廷眇不知其所反既乃珍臺蹇產以極壯陞道邇倚
以正東似閭風之遐坂橫西洫而絕金墉城尉不弛柝
而內外潛通前開唐中彌望廣濶顧臨太液滄池潏沔
漸臺立於中央赫眈眈以弘敞清淵洋洋神山峩峩列
瀛洲與方丈夾蓬萊而駢羅上林岑以壘隤下蕝巖以
茁齧長風激於別隄起洪濤而揚波浸石菌於重涯濯
靈芝以朱柯海若游於玄渚鯨魚失流而蹉跎於是采
少君之端信庶纁大之貞固立修莖之仙掌承雲表之

清露屑瓊蕊以朝飧必性命之可度美往昔之松喬要
美門乎天路想升龍於鼎湖豈時俗之足慕若歷世而
長存何遽營乎陵墓徒觀其城郭之制則旁開三門參
塗夷庭方軌十二街衢相經廛里端直薨宇齊平北闕
甲第當道直啓程巧致功期不阨侈木衣綈錦土被朱
紫武庫禁兵設在蘭綺匪石匪董疇能宅此爾乃廓開
九市通闌帶闕旗亭五重俯察百隧周制大胥今也惟
尉壞貨方至鳥集鱗萃鬻者兼贏求者不匱爾乃商賈

百族裨販夫婦鬻良雜苦蚩眩邊鄙何必昏於作勞邪
羸優而足恃彼肆人之男女麗美奢乎許史若夫翁伯
濁質張里之家擊鐘鼎食連騎相過東京公侯壯何能
加都邑游俠張趙之倫齊志無忌擬跡田文輕死重氣
結黨連羣實蕃有徒其從如雲茂陵之原陽陵之朱趨
悍虢豁如虎如貍睚眦薑芥屍僵路隅丞相欲以贖子
罪陽石污而公孫誅若其五縣遊麗辯論之士街談巷
議彈射臧否剖析毫釐擘肌分理所好生毛羽所惡成

瘡痍郊甸之內鄉邑殷賑五都貨殖既遷既引商旅聯

榻隱隱展展冠帶交錯方輅接軫封畿千里統以京尹

郡國宮館百四十五右極藍屋并卷鄴左暨河華遂

至虢土上林禁苑跨谷彌阜東至鼎湖斜界細柳掩長

楊而聯五柞繞黃山而欵牛首繚垣繇聯四百餘里植

物斯生動物斯止衆鳥翩翻羣獸駘駘散似驚波聚似

京峙伯益不能名隸首不能紀林麓之饒於何不有木

則樅栝椶楠梓槭梗楓嘉卉灌叢蔚若鄧林鬱蓊夢對

櫛夾櫛慘吐葩颺榮布葉垂陰草則葳莎菅蒹薇蕨荔
光王芻苕臺戎葵懷羊苾蓐蓬茸彌皋被岡篠蕩敷衍
編町成篁山谷原隰泱泱無疆迺有昆明靈沼黑水玄
汴周以金堤樹以柳杞豫章珍館揭焉中峙牽牛立其
左織女處其右日月於是乎出入象扶桑與濛汜其中
則有鼃鼃巨鼃鱣鯪鯢鮪鰈鰨鯢鯢修額短項大口折
鼻詭類殊種鳥則鷓鴣鴉鴛鴦鴻鸛上春候來季秋
就溫南翔衡陽北棲鴈門奮隼歸鳬沸卉砰訇衆形殊

聲不可勝論於是孟冬作陰寒風肅殺雨雪飄飄冰霜
慘烈百卉具零剛蟲搏摯爾乃振天維行地絡蕩川瀆
簸林薄鳥畢駭獸咸作草伏木棲寓居穴託起彼集此
霍繹紛泊在彼靈囿之中前後無有垠鍔虞人掌焉為
之營域焚萊平場柞木翦棘結置百里迄杜蹊塞麀鹿
麋麋駢田偪側天子乃駕雕軫六駿駁戴翠帽倚金較
璿弁玉纓遺光條爚建玄弋樹招搖棲鳴鳶曳雲捎弧
旌枉矢虹旃蜺旄華蓋承辰天畢前驅千乘雷動萬騎

龍趨屬車之遙載獫獨獠匪惟玩好迺有秘書小說九
百本自虞初從容之求寔俟寔儲於是蚩尤秉鉞奮鬣
被般禁禦不若以知神姦魑魅蝸蝓莫能逢旃陳虎旅
於飛廉正壘壁乎上蘭結部曲整行伍燎京薪賊雷鼓
縱獵徒赴長莽迺卒清候武士赫怒緹衣靺鞨睢盱跋
扈光燄燭天庭囂聲震海浦河渭為之波盪吳獄為之
阨堵百禽凌遽睽瞿奔觸喪精亡魂失歸忘趨投輪闕
輻不邀自遇飛罕瀟飈流鏑攬掞矢不虛舍鋌不苟躍

當足見踞值輪被轆僵禽斃獸爛若磧礫但觀置羅之
所罾結竿及之所捏畢又族之所攬捕徒搏之所撞杌
白日未及移晷已彌其十七八若夫遊鷗高翬絕阮踰
斥鳬免聯猿陵巒超壑比諸東郭莫之能獲乃使迅羽
輕足尋影追括鳥不暇舉獸不得發青骹摯於韝下韓
盧噬於縲末及其猛毅髻髻隅目高睨威懾兕虎莫之
敢伉乃使中黃之士育獲之儔朱鬣鬣植髮如竿袒
裼戟手蹠踞盤桓鼻赤象圈巨挺攬狒狒批獠狻猊

落突棘籜梗林為之靡拉撲叢為之摧殘輕銳獬獫
捷之徒赴洞穴探封狐陵重嶽獵昆駝杪木末獲獬獫
超殊榛帶飛鼯是時後宮嬖人昭儀之倫常亞於乘輿
慕賈氏之如皋樂北風之同車盤於遊畋其樂只且於
是鳥獸殫目觀窮遷延邪睨集乎長楊之宮息行夫展
車馬收禽舉觥數課衆寡置互擺牲頒賜獲鹵割鮮野
饗犒勤賞功五軍六師千列百重酒車酌醴方駕授饗
升觴舉燧既醕鳴鐘膳夫馳騎察貳廉空炙魚夥清醑

效皇恩溥洪德施徒御悅士忘罷巾車命駕迴旆右移
懷佯乎五柞之館旋憩乎昆明之池登豫章簡矰紅蒲
且發弋高鴻挂白鶴聯飛龍磻不特絳往必加雙於是
命舟牧為水嬉浮鷁首翳雲芝垂翟葆建羽旗齊棹女
縱擢歌發引和校鳴葭奏淮南度陽阿感河馮懷湘娥
驚蜩蛎憚蛟蛇然後釣魴鱧纚鯉鮒撫紫貝搏耆龜搯
水豹鬐潛牛澤虞是濫何有春秋擿謬泮搜川瀆布九
罟設罍麗操鯤魴珍水族築藕拔蜃蛤剥逞欲畋鮫效

獲麇麇摶蓼萍浪乾池滌藪上無逸飛下無遺走獲胎
拾卵蜺蜉盡取取樂今日遑恤我後既定且寧焉知傾
阬大駕幸乎平樂之館張甲乙而襲翠被攢珍寶之玩
好紛瑰麗以侈靡臨迴望之廣場程角觝之妙戲烏獲
扛鼎都盧尋撞衝狹燕濯胷突鈇鋒跳丸劒之揮霍走
索上而相逢華嶽峨峨岡巒參差神木靈草朱實離離
總會仙倡戲豹舞羆白虎鼓瑟蒼龍吹簫女娥坐而長
歌聲清暢而蜚蛇洪厓立而指麾被毛羽而襪襪度曲

未終雲起雪飛初若飄飄後遂霏霏複陸重閣轉石成
雷礚礚激而增響磅礚象乎天威巨獸百尋是為曼延
神山崔巍欵從背見熊虎升而挈攫援狄招而高援怪
獸陸梁大雀跋跋白象行孕垂鼻麟輶海鱗變而成龍
狀踔踔以蜎蜎含利甌甌化為仙車驪駕四鹿芝蓋九
葩蟾蜍與龜水人弄蛇奇幻倏忽易貌分形吞刀吐火
雲霧杳冥畫地成川流渭通涇東海黃公赤刀粵祝冀
厭白虎卒不能救挾邪作蠱於是不售爾乃建戲車樹

修旃振僮逞材上下翩翻突倒投而跟絰譬殞絕而復
聯百馬同轡騁足並馳撞未之伎態不可彌彎弓射乎
西羌又顧發乎鮮卑於是衆變盡心醒醉盤樂極悵懷
萃陰戒期門微行要屈降尊就卑懷璽藏紱便旋閭閭
周觀郊遂若神龍之變化彰后皇之為貴然後歷掖庭
適歡館捐衰色從嫵婉促中堂之陋坐羽觴行而無筭
祕舞更奏妙才騁伎妖蠱豔夫夏姬美聲暢於虞氏始
徐進而羸形似不任乎羅綺嚼清商而却轉增嬋娟以

跣足紛縱體而迅赴若驚鶴之羣羆振朱履於盤樽奮
長袖之颯纚要紹修態麗服颺菁昭藐流盼一顧傾城
展季桑門誰能不營列爵十四競媚取榮盛衰無常惟
愛所丁衛后興於鬢髮飛燕寵於體輕爾乃逞志究欲
窮身極娛鑒戒唐詩他人是媿自君作故何禮之拘增
昭儀於婕妤賢旣公而又侯許趙氏之無上思致董於
有虞王閔爭於坐側漢載安而不渝高祖創業繼體承
基暫勞永逸無為而治耽樂是從何慮何思多歷年所

二百餘菑徒以地沃野豐百物殷阜巖險周固襟帶易
守得之者彊據之者久流長則難竭抵深則難朽故奢
泰肆情而馨烈彌茂鄙生生乎三百之外傳聞於未聞
之口曾髣髴其若夢未一隅之能覩此何異於殷人屢
遷前八而後五居相圯耿不常厥土盤庚作誥帥人以
苦方今聖上同天號於帝皇掩四海而為家富有之業
莫我大也徒恨不能以靡麗為國華獨儉嗇以齷齪忘
蟋蟀之謂何豈欲之而不能將能之而不欲歟蒙竊惑

馬願聞所以辯之之說也

東京賦

漢張衡

安處先生於是似不能言者憮然有間乃莞爾而笑曰
若客所謂末學膚受貴耳而賤目者也苟有曾而無心
不能節之以禮宜其陋今而榮古矣由余以西戎孤臣
而惺穆公於宮室如之何其以溫故知新研覈是非近
於此惑也周姬之末不能厥政政用多僻始於宮鄰卒
於金虎嬴氏搏翼擇肉西邑是時也七雄並爭競相高

以奢麗楚築章華於前趙建叢臺於後秦政利甯長距
終得擅場思專其侈以莫已若也迺構阿房起甘泉結
雲閣冠南山征稅盡人力殫然後收以大半之賦威以
參夷之刑其遇民也若雉氏之芟草既蘊崇之又行火
焉慄慄黔首豈徒跼高天躋厚地而已哉乃救死於其
頸毆以就役唯力是視百姓不能忍是用息肩於大漢
而欣戴高祖高祖膺籙受圖順天行誅杖朱旗而建大
號所推必亡所存必固埽項軍於垓下繼子嬰於軹塗

因秦宮室據其府庫作洛之制我則未暇是以西匠營
宮目玩阿房規摹踰溢不度不臧損之又損然尚過於
周堂觀者狹而謂之陋帝已譏其泰而弗康且高既受
命建家造我區夏矣文又躬自菲薄治致升平之德武
有大啟土宇紀禪肅然之功宣重威以撫和戎狄呼韓
來享咸用紀宗存主饗祀不輟銘勲彝器歷世彌光今
舍純懿而論爽德以春秋所諱而為美談宜無嫌於往
初故蔽善而揚惡祇吾子之不知言也必以肆奢為賢

則是黃帝合宮有虞總期固不如夏癸之瑤臺殷辛之
瓊室也湯武誰革而用師哉蓋亦覽東京之事以自寤
乎且夫天子有道守在海外守位以仁不恃隘害苟民
志之不諒何云巖險與襟帶秦負阻於二關卒開項而
受沛彼偏據而規小豈如宅中而圖大昔先王之經邑
也掩觀九隩靡地不營土圭測景不縮不盈總風雨之
所交然後以建王城審曲面勢汧洛背河左伊右瀍西
阻九阿東門於旋盟津達其後太谷通其前迴行道乎

伊闕邪徑捷乎輶轅太室作鎮揭以熊耳底柱輟流鐔
以大岯溫液湯泉黑丹石緇王鮪岫居能鼈三趾處妃
攸館神用挺紀龍圖授羲龜書畀姁伯相宅卜惟洛
食周公初基其繩則直葺弘魏舒是廓是極經途九軌
城隅九雉度堂以筵度室以几京邑翼翼四方所視漢
初弗之宅也故宗緒中圯巨猾間釁竊弄神器歷載三
六偷安天位於時烝民罔敢或貳其取威也重矣我世
祖忿之乃龍飛白水鳳翔參墟授鉞四七共工是除櫬

槍旬始羣山靡餘區宇入寧思和求中睿哲玄覽都茲
洛宮曰止日時昭明有融既光厥武仁治道豐登岱勒
封與黃比宗逮至顯宗六合殷昌乃新崇德遂作德陽
啓南端之特闡立應門之將將昭仁惠於崇賢抗義聲
於金商飛雲龍於春路屯神虎於秋方建象魏之兩觀
旌六典之舊章其內則含德章臺天祿宣明溫飭迎春
壽安永寧飛閣神行莫我能形濯龍芳林九谷八溪芙
蓉覆水秋蘭被涯渚戲躍魚淵游龜鵠永安離宮修竹

冬青陰池幽流玄泉冽清鶚鷗秋棲鷗鷗春鳴雉鷗鷗
黃闕闕嚶嚶於南則前殿靈臺穌驩安福諺門曲榭邪
阻城洳奇樹珍果鉤盾所職西登少華亭候修勅九龍
之內寔曰嘉德西南其戶匪雕匪刻我后好約乃宴斯
息於東則洪池清籟淥水澹澹內阜川禽外豐葭茨猷
鼈蜃與龜魚供蝸麤與菱芡其西則有平樂都場示遠
之觀龍雀蟠蜿天馬半漢瑰異譎詭燦爛炳煥奢未及
侈儉而不陋規遵王度動中得趣於是觀禮禮舉儀具

經始勿亟成之不日猶謂為之者勞居之者逸慕唐虞
之茅茨思夏后之卑室乃營三宮布政頒常複廟重屋
八達九房規天矩地授時順鄉造舟清池惟水泱泱左
制辟雍右立靈臺因進距衰表賢簡能馮相觀祲祈禱
穰災於是孟春元日羣后旁戾百僚師師于斯胥洎藩
國奉聘要荒來質具惟帝臣獻琛執贄當覲於殿下者
蓋數萬以二爾乃九賓重臚人列崇牙張鏞鼓設郎將
司階虎戟交鍛龍輅充庭雲旗拂霓夏正三朝庭燎哲

暫撞洪鐘伐靈鼓旁震八鄙軒轅隱訇若疾霆轉雷而
激迅風也是時稱警蹕已下雕輦於東廂冠通天佩玉
璽紆黃組要干將負斧宸次席紛純左右玉几穆穆而
南面以聽矣然後百辟乃入司儀辨等尊卑以班璧羔
皮帛之贄既奠天子乃以三揖之禮禮之穆穆焉皇皇
焉濟濟焉將將焉信天下之壯觀也乃羨公侯卿士登
自東除訪萬幾詢朝政勤恤民隱而除其眚人或不得
其所若已納之於隍荷天下之重任匪怠皇以寧靜發

京倉散禁財賚皇僚逮輿臺命膳夫以大饗饗餼決乎
家陪春醴惟醇燔炙芬芬君臣歡康具醉薰薰千品萬
官已事而跋勤屢省懋乾乾清風協於玄德淳化通於
自然憲先靈以齊軌必三思以顧愆招有道於側陋開
敢諫之直言聘丘園之耿絜旅束帛之戔戔上下通情
式宴且盤及將祀天郊報地功祈福乎上玄思所以為
虔肅肅之儀盡穆穆之禮殫然後以獻精誠奉禋祀曰
允矣天子也乃整法服正冕帶珩紃紃玉笄綦會火

龍黼黻藻綵鞶厲結飛雲之袷輅樹翠羽之高蓋建辰
旒之太常紛飀悠以容裔六玄蚪之奕奕齊騰驤而沛
艾龍輶華轡金鋟鏤錫方鉉左纛鉤膺玉璫鑿聲噦噦
和鈴缺缺重輪貳轄疏轂飛軫羽蓋歲蕤葩瑤曲莖順
時服而設副咸龍旂而繁纓立戈迤戛農輿輅木屬車
九九乘軒並轂璚駟重旃朱旒青屋奉引既畢先輅乃
發鸞旗皮軒通帛綃旒雲罕九旂闐戟轆轤髯被繡
虎夫戴鶡駼承華之蒲梢飛流蘇之騷殺總輕武於後

陳奏嚴鼓之嘈囂戎士介而揚揮戴金鉦而建黃鉞清
道案列天行星陳肅肅習習隱隱鞞鞞殿未出乎城闕
旆已迴乎郊畛盛夏后之致美爰恭敬於明神爾乃孤
竹之管雲和之瑟雷鼓鬩鬩六變既畢冠華秉翟列舞
八佾元祀惟稱羣望咸秩颺禋燎之炎煬致高煙乎太
一神歆馨而顧德祚靈主以元吉然後宗上帝於明堂
推光武以作配辨方位而正則五精帥而來推尊赤氏
之朱光四靈懋而允懷於是春秋改節四時迭代蒸蒸

之心感物增思躬追養於廟祧奉蒸嘗與禴祠物牲辯
省設其福衡毛魚豚朶亦有和羹滌濯靜嘉禮儀孔明
萬舞奕奕鐘鼓喤喤靈祖皇考來顧來饗神具醉止降
福穰穰及至農祥晨正土膏脈起乘鑾輅而駕蒼龍介
馭間以剡耜躬三推於天田修帝藉之千畝供禘郊之
粢盛必致思乎勤已兆民勸於疆場感懋力以耘耔春
日載陽合射辟雍設業設虞宮懸金鏞鼗鼓路鼗樹羽
幢幢於是備物物有其容伯夷起而相儀后夔坐而為

工張大侯制五正設三之扉司旌并夾既設儲乎廣庭
於是皇輿夙駕輦於東階以須消啓明埽朝霞登天光
於扶桑天子乃撫玉輅時乘六龍發鯨魚鏗華鐘大丙
弭節風后陪乘攝提運衡徐至於射宮禮事展樂物具
王夏闕騶虞奏決拾既次彫弓斯設達餘萌於暮春昭
誠心以遠喻進明德而崇業滌饕餮之貪欲仁風行而
外流誼方激而遐驚日月會於龍虬恤民事之勞疚因
休力以息勤致歡忻於春酒執鑿刀以袒割奉觴豆於

國叟降至尊以訓恭送迎拜乎三壽敬慎威儀示民不
偷我有嘉賓其樂愉愉聲教布濩盈溢天區文德既昭
武節是宣三農之隙耀威中原歲惟仲冬大閱西園虞
人掌馬先期戒事悉率百禽鳩諸靈囿獸之所同是謂
告備乃御小戎撫輕軒中畋四牡既佶且閑戈矛若林
牙旗繽紛迄於上林結徒為營次和樹表司鐸授鉦坐
作進退節以軍聲三令五申示戮斬牲陳師鞠旅教達
禁成火烈具舉武士星數鵞鵠魚麗箕張翼舒軌塵掩

遠匪疾匪徐馭不詭遇射不翦毛升獻六禽時膳四膏
馬足未極輿徒不勞成禮三驅解罟放麟不窮樂以訓
儉不殫物以昭仁慕天乙之弛畧因教祝以懷民儀姬
伯之渭陽失熊羆而獲人澤浸昆蟲威振八寓好樂無
荒允文允武薄狩于敖既瑣瑣焉岐陽之蒐又何足數
爾乃卒歲大儺毆除羣癘方相秉鉞巫覡操茆侑于萬
童丹首玄製桃弧棘矢所發無臬飛礮雨散剛瘳必斃
煌火馳而星流逐赤疫於四裔然後凌天池絕飛梁捐

魑魅斲獍狂斬蛟蛇腦方良囚耕父於清泠溺女魃於
神潢殘夔魑與罔象殪野仲而殲游光八靈為之震懼
況魃蠱與畢方度朔作梗守以鬱壘神荼副焉對操索
葦目察區陬司執遺鬼京室密清罔有不韙於是陰陽
交和庶物時育卜征考祥終然允淑乘輿巡乎岱嶽勸
稼穡於原陸同衡律而一軌量齊急舒於寒燠省幽明
以黜陟乃返旆而迴復望先帝之舊墟慨長思而懷古
俟閭風而西遐致恭祀於高祖既春游以發生啓諸蟄

於潛戶度秋豫以收成觀豐年之多稔嘉田畯之匪懈
勤致賚於九扈左瞰陽谷右睨玄圃眇天末以遠期規
萬世而大摹且歸來以釋勞瘁多福以安愈總集瑞命
備致嘉祥園林氏之騶虞擾澤馬與騰黃鳴女牀之鸞
鳥舞丹穴之鳳凰植華平於春圃豐朱草於中唐惠風
廣被澤暨幽荒北燮丁令南諧越裳西包大秦東過樂
浪重舌之人九譯僉稽首而來王是故論其遷邑易京
則同規乎殷盤改奢即儉則合美乎斯干登封降禪則

齊德乎黃軒為無為事無事永有民以孔安遵節儉尚
素樸思仲尼之克己履老氏之常足將使心不亂其所
在目不見其可欲賤犀象簡珠玉藏金於山抵璧於谷
翡翠不裂璫珣不族所貴惟賢所寶惟穀民去末而反
本咸懷忠而抱慤於斯之時海內同悅曰吁漢帝之德
侯其禕而蓋莫英為難詩也故曠世而不覲惟我后能
植之以至和平方將數諸朝階然則道胡不懷化胡不
柔聲與風翔澤從雲遊萬物我賴亦又何求德寓天覆

輝烈光燭狹三王之赳赳軼五帝之長驅踵二皇之遐
武誰謂駕遲而不能屬東京之懿未罄值余有犬馬之
疾不能究其精詳故粗為賓言其梗概如此若乃流遁
忘反放心不覺樂而無節後離其戚一言幾於喪國我
未之學也且夫挈竝之智守不假器況纂帝業而輕天
位瞻仰二祖厥庸孔肆常翹翹以危懼若乘奔而無轡
白龍魚服見困豫且雖萬乘之無懼猶怵惕於一夫終
日不離於輜重獨微行其焉如夫君人者駐鑢塞耳車

中不內顧珮以制容鑾以節塗行不變玉駕不亂步却走馬以糞車何惜騶裒與飛兔方其用財取物常懼生類之殄也賦政任役常畏人力之盡也取之以道用之以時山無槎枿畝不虞胎草木繁廡鳥獸阜滋民忘其勞樂輸其財百姓同於饒衍上下共其雍熙洪恩素蓄民心固結執義顧主夫懷貞節忿姦慝之干命怨皇統之見替玄謀設而陰行合二九而成譎登聖皇於天階章漢祚之有秩若此故王業可樂焉今公子苟好勸民

以媮樂忘民怨之為仇也好殫物以窮寵忽下叛而生

憂也夫水所以載舟亦所以覆舟堅冰作於履霜尋木

起於蘖栽昧旦丕顯後世猶怠況初制於甚泰服者焉

能改裁故相如壯上林之觀揚雄騁羽獵之辭雖系以

頽墻填塹亂以收置解果卒無補於風規祇以昭其愆

尤臣濟參以陵君忘經國之長基故函谷擊柝於東西

朝廷顛覆而莫持凡人心是所學體安所習鮑肆不知

其臭玩其所以先入咸池不齊度於鼃咬而衆聽者或疑

能不惑者其唯子野乎客既醉於大道飽於文義勸德畏戒
喜懼交爭罔然若醒朝疲夕倦奪氣褫魄之為者忘其所
以為談失其所以為夸良久乃言曰鄙哉子予予習非而
遂迷也幸見指南於吾子若僕所聞華而不實先生之言
信而有徵鄙夫寡識而今而後乃知大漢之德馨咸在於
此昔常恨三墳五典既泯仰不覩炎帝帝魁之美得聞先
生之餘論則大庭氏何以尚茲走雖不敏庶斯達矣

御定歷代賦彙卷三十一

謹案卷三十第一頁後五行知之類之按文苑英
華注二之字疑

第十七頁前五行遍于山川按劉長慶集山作大
第二十九頁後二行解颺乍觸按解疑鮮字之訛
卷三十一第八頁後四行掄文竿刊本掄作授據
文選及後漢書改

第十二頁前三行士怒未淙按淙後漢書作泄刊
本訛淙今據文選改

第十八頁後八行處甘泉之與塏刊本之訛而據
文選改

第十九頁後七行途閣雲蔓刊本途作連據文選
改


第二十三頁前八行飛罕瀟箭刊本瀟訛據據文
選改

第二十三頁後二行竿及之所捏畢刊本畢作感
據文選改

第二十五頁後二行是為曼延刊本曼作蔓據文
選改

第三十頁後八行禮舉儀縣刊本儀作義據文選
改





總校官庶吉士臣張能照
校對官編修臣楊壽楠
謄錄監生臣瞿秉虔
謄錄監生臣高瑞相

欽定四庫全書薈要

集部

御定歷代賦彙卷三十二

欽定四庫全書薈要卷一萬七千二百五十一


集部

御定歷代賦彙卷三十二

都邑

南都賦

漢張衡



於顯樂都既麗且康陪京之南居漢之陽割周楚之豐壤跨荆豫而為疆體爽塏以閑敞紛郁郁其難詳爾其地勢則武關關其西桐柏揭其東流滄浪而為隍廓方城而為墉湯谷涌其後清水盪其曾推淮引湍三方是

通其寶利珍怪則金彩玉璞隋珠夜光銅錫鉛錯赭堊
流黃綠碧紫英青腹丹粟太一餘糧中黃鼓玉松子神
陂赤靈解角耕父揚光於清泠之淵遊女弄珠於漢皋
之曲其山則崆峒嶠嶧塘嵒秦剌乍容竇嵬嶽巖屹嶹
幽谷簪峯夏含霜雪或唐嶙而纚聯或豁爾而中絕鞠
巍巍其隱天俯而觀乎雲霓若夫天封大狐列仙之陬
上平行而曠蕩下蒙籠而崎嶇坂坻截薛而成巖谿壑
錯繆而盤紆芝房菌蠢生其隈玉膏滂溢流其隅崑崙

無以夸閭風不能踰其木則檉松楔檉檉柏杻樞楓桺
櫨檻帝女之桑楮枿枿櫨抉拓櫨檀結根竦本垂條嬋
媛布綠葉之萋萋敷華蕊之蓑蓑玄雲合而重陰谷風
起而增哀攢立叢駢青冥盱眙杳藹翳鬱于谷底森蓊
蓊而刺天虎豹黃熊游其下穀獲獠挺戲其顛鸞鷟鸞
雛翔其上騰猿飛猱棲其間其竹則籊籊簞簞篠簞簞
簞緣延坻坂澶漫陸離阿那翦茸風靡雲披爾其川瀆
則澶澶灋灋瀄源巖穴潛厖洞出沒滑濺滴布濩漫汗

潏沆洋溢總括趣飲箭馳風疾流湍投濺矸汭輶軋長
輸遠逝滂淚減汨其水蟲則有嚶龜鳴蛇潛龍伏螭鱣
鱣鰕鰪鰌鼃鼃蛟螭巨蚌函珠駁蝦委蛇其陂澤則有鉗
盧玉池赭陽東陂貯水渟洿亘望無涯其草則有蘼芡
蘋莞蔣蒲葭葢藻茆菱芡芙蓉含華從風發榮菲披芬
葩其鳥則有鴛鴦鵠鷺鴻鵠駕鵞鵝鷓鴣鸕鶿鷓鴣鷓
嚶嚶和鳴澹淡隨波其水則開竇灑流浸彼稻田溝澮
胍連堤塍相輶朝雲不興而潢潦獨臻決渫則曠為漑

為陸冬稌夏穡隨時代熟其原野則有桑漆麻苧菽麥
稷黍百穀蕃廡翼翼與與若其園圃則有蓼葳蕤荷諸
蔗薑蟠新莫芋瓜乃有櫻梅山柿侯桃梨栗棗若榴
穰橙鄧橘其香草則有薜荔蕙若薇蕪蓀長晻曖蒨蔚
含芬吐芳若其厨膳則有華薌重秬潢臯香秬歸雁鳴
鵠黃稻鱸魚以為芍藥酸甜滋味百種千名春卵夏筍
秋韭冬菁蘇葑紫薑拂徹羶腥酒則九醞甘醴十旬兼
清醪數徑寸浮蟻若萍其甘不爽醉而不醒及其糾宗

綏族禰祠蒸嘗以速遠朋嘉賓是將揖讓而升宴於蘭
堂珍羞琅玕充溢圓方琢琚狎獵金銀琳琅侍者蠱媚
巾幘鮮明被服雜錯履躡華英僕才齊敏受爵傳觴獻
酬既交率禮無違彈琴擲籥流風徘徊清角發徵聽者
增哀客賦醉言歸主稱露未晞接歡宴於日夜終愜樂
之令儀於是暮春之禊元巳之辰方軌齊軫袞於陽瀕
朱帷連網曜野映雲男女妓服駱驛繽紛致飾程蠱倻
紹便娟微眇流睇蛾眉連卷於是齊僮唱兮列趙女坐

南歌兮起鄭舞白鶴飛兮繭曳緒修袖繚繞而滿庭羅
襪躡蹠而容與翩緜緜其若絕眩將墜而復舉翹遙遷
延蹶躡蹠蹠結九秋之增傷怨西荆之折盤彈箏吹笙
更為新聲寡婦悲吟鷄雞哀鳴坐者悽歎蕩冤傷精於
是羣士放逐馳乎沙場騶驥齊鑣黃間機張足逆驚飈
鏃析毫芒俯貫魴鱖仰落雙鶻魚不及竄鳥不暇翔爾
乃撫輕舟兮浮清池亂北渚兮揭南涯汰澆滯兮舩容
裔陽侯澆兮掩鳧鷖追水豹兮鞭蜩蛎憚夔龍兮怖蛟

螭於是日將逮昏樂者未荒收歡命駕分背迴塘車雷震而風厲馬鹿超而龍驤夕暮言歸其樂難忘斯乃游觀之好耳目之娛未覩其美者焉足稱舉夫南陽者真所謂漢之舊都也遠世則劉后甘厥龍醢視魯縣而來遷奉先帝而追孝立唐祀於堯山固靈根於夏葉終三代而始蕃非純德之宏圖孰能揆而處旃近則考侯思故匪居匪寧穢長沙之無樂歷江湘而北征曜朱光於白水會九世而飛榮察茲邦之神偉啓天心而寤靈於

是宮室則有園廬舊宅隆崇崔嵬御房穆以華麗連閣
煥其相徽聖皇之所逍遙靈祇之所保綏章陵鬱以青
蔥清廟肅以微微皇祖歆而降福彌萬祀而無衰帝王
臧其擅美詠南音以顧懷且其君子弘懿明叡允恭溫
良容止可則出言有章進退屈申與時抑揚方今天地
之睢刺帝亂其政豺虎肆虐真人革命之秋也爾其則
有謀臣武將皆能攫戾執猛破堅摧剛排捷陷局蹙蹈
咸陽高祖階其塗光武攬其英是以闕門反距漢德久

長及其去危乘安視人用遷周召之儔據鼎足焉以庀
王職縉紳之倫經綸訓典敷納以言是以朝無闕政風
烈昭宣也於是乎鯢齒眉壽鮐背之叟皤皤然被黃髮
者喟然相與歌曰望翠華兮歲蕤建太常兮徘徊駟飛
龍兮駸駸振和鑾兮京師總萬乘兮徘徊按平路兮來
歸豈不思天子南巡之辭者哉遂作頌曰皇祖止焉光
武起焉據彼河洛統四海焉本枝百世位天子焉永世
克孝懷桑梓焉真人南巡覩舊里焉

洛都賦

漢
傅毅

惟漢元之運會世祖受命而弭亂體神武之聖姿握天
人之契贊尋往代之規兆仍險塞之自然被崑崙之洪
流據伊洛之雙川挾成皋之嚴阻扶二嶠之崇山分畫
經緯開正塗軌序立廟祧面朝後市歎息起雰霧奮袂
生風雨覽正殿之體制承日月之皓精騁流星於突漏
追歸雁於軒轅帶螭龍之疏鏤垂菡萏之敷榮顧濯龍
之臺觀望永安之園藪渟清沼以汎舟浮翠蚪與玄武

桑宮繭館區制有軌后帥九嬪躬勅工女近則明堂辟
雍靈臺之列宗祀揚化雲物是察其後則有長岡芒阜
屬以首山通谷岷岵石瀨寒泉於是乘輿鳴和按節發
輶列翠蓋方龍輶備五路之時副檻三辰之旂存傳說
作僕義和奉時千乘雷駭萬騎星鋪絡繹相屬揮沫揚
鑣羣仙列於中庭發魚龍之巨偉羨門拊鼓倕佺操麾
講武農隙校獵因田搜幽林以集禽激通川以御獸跨
乘黃射遊麋弦不虛控目不徒晞解腋分心應箭殪夷

然後弭節容與淶水之濱垂芳餌於清流出旋瀨之潛
鱗

論都賦有序

漢杜篤

臣聞知而復知是為重知臣所欲言陛下已知故略其
梗槩不敢具陳昔盤庚去奢行儉於亳成周之隆乃即
中洛遭時制都不常厥邑賢聖之慮蓋有優劣霸王之
姿明知相絕守國之勢同歸異術或棄去阻阨務處平
易或據山帶河并吞六國或富貴思歸不顧見襲或掩

空擊虛自蜀漢出即日車駕策由一卒或知而不從久
都境埆臣不敢有所據竊見司馬相如揚子雲作辭賦
以諷主上臣誠慕之伏作書一篇名曰論都謹并封奏
如左皇帝以建武十八年二月甲辰升輿洛邑巡於西
嶽推天時順斗極排閭闔入函谷觀阨於崤澠圖險於
隴蜀其三月丁酉行至長安經營宮室傷愍舊京即詔
京兆迺命扶風齊肅致敬告觀園陵悽然有懷祖之思
喟乎以思諸夏之隆遂天旋雲遊造舟於渭北旂涇流

千乘方轂萬騎駢羅衍陳於岐梁東橫乎大河瘞后土
禮郊郊其歲四月反於洛都明年有詔復函谷關作大
駕宮六王邸高車廢於長安修理東都城門橋涇渭往
往繕離觀東臨灞漚西望昆門北登長平規龍首撫耒
耜眎平樂儀建章是時山東翕然狐疑意聖朝之西都
懼關門之反拒也客有為篤言彼陷井之潢汙固不容
夫吞舟且洛邑之渟潏曷足以居乎萬乘哉咸陽守國
利器不可久虛以示奸萌篤耒甚然其言也故因為述

大漢之崇世據雍州之利而今國家未暇之故以喻客
意曰

昔在強秦爰初開畔霸自岐雍國富人衍率以并兼桀
虐作亂天命有聖託之大漢大漢開基高祖有勳斬白
蛇屯黑雲聚五星於東井提干將而呵暴秦蹈滄海跨
崑崙奮慧光埽項軍遂濟人難蕩滌於泗沂劉敬建策
初都長安太宗承流守之以文躬履節儉側身行仁食
不二味衣無異采賑人以農桑率下以約已曼麗之容

不悅於目鄭衛之聲不過於耳佞邪之臣不列於朝巧
偽之物不鬻於市故能理升平而刑幾措富行於孝景
功傳於後嗣是時孝武因其餘財府帑之畜始有鈎深
圖遠之意探冒頓之罪校平城之讐遂命驃騎勤任衛
青勇惟鷹揚軍如流星深之匈奴割裂王庭席卷漠北
叩勒祁連橫分單于屠裂百蠻燒燬帳擊閼氏燔康居
灰珍奇椎鳴鏑釘鹿蠡馳阬岸獲昆彌虜儼振驅羸驢
馭宛馬鞭駛騃拓地萬里威震八荒肇置四郡據守燉

煌并域屬國一郡領方立侯隅北建護西羌捶驅氏焚
寥狼邛笮東據烏桓蹂躪滅貊南羈鈎町水劒彊越殘
夷文身海波沫血郡縣日南漂檣朱崖部尉東南兼有
黃支連緩耳瑣雕題摧天督牽象犀椎蚌蛤碎琉璃甲
瑤琨戕背觸於是同穴裴褐之域共川鼻飲之國莫不
袒跣稽顙失氣虜伏非夫大漢之盛世藉雍土之饒得
御外理內之術孰能致功若斯故創業於高祖嗣傳於
孝惠德隆於太宗財行於孝景威盛於聖武政行於宣

元侈極於成哀祚缺於孝平傳世十一歷載三百德哀
而復盈道微而復彰皆莫能遷於雍州而背於咸陽宮
室寢廟山陵相望高顯弘麗可思可營義農以來無茲
著明夫雍州本帝王所以育業霸王所以衍功戰士角
難之場也禹貢所載厥田惟上沃野千里原隰彌望保
殖五穀桑麻條暢濱據南山帶以涇渭號曰陸海蠡生
萬類梗枏檀柘蔬果成實畎瀆潤淤水泉灌溉漸澤成
川粳稻陶遂厥土之膏畝價一金田田相如鍤耰株林

火耕流種功淺得深既有蓄積阨塞四海西被隴蜀南
通漢中北據谷口東阻欽巖關函守嶠山東道窮置列
汧隴雍偃西戎拒守褒斜嶺南不通杜口絕津朔方無
從鴻渭之流徑入於河大船萬艘轉漕相過東綜滄海
西網流沙朔南暨聲諸夏是和城池百尺阨塞要害關
梁之險多所襟帶一卒舉礪千夫沈滯一人奮戟三軍
沮敗地勢便利介冑剽悍可與守近利以攻遠士卒易
保人不肉袒肇十有二是為瞻腴用霸則兼并先據則

功殊修文則財衍行武則士要為政則化上篡逆則難
誅進攻則百剋退守則有餘斯固帝王之淵囿而守國
之利器也逮及亡新時漢之哀偷忍淵囿篡器慢違徒
以勢便莫能卒危假之十八誅自京師天畀更始不能
引維慢藏招寇復致赤眉海內雲擾諸夏滅微羣龍並
戰未知是非於時聖帝赫然申威荷天人之符兼不世
之姿受命於皇上獲助於靈祇立號高邑奉旗四麾首
策之臣運籌出奇虓怒之旅如虎如螭師之攸向無不

靡披蓋夫燭魚剗蛇莫之方斯大呼山東響動流沙要
龍淵首鎮鉅命騰太白親發狼弧西平隴冀東據洛都
乃廓平帝寓濟蒸人於塗炭成兆庶之疊疊遂興復乎
大漢今天下新定矢石之勤始瘳而主上方以邊陲為
憂忿葭萌之不柔未遑於論都而遺思雍州也方躬勞
聖思以率海內厲撫名將略地疆外信威於征伐展武
乎荒裔若夫文身鼻飲緩耳之王推結左衽錄錫之君
東南殊俗不羈之國西地絕域難制之鄰靡不重譯納

貢請為藩臣上猶謙讓而不伐勤意以為獲無用之虜
不如安有益之民略荒裔之地不如保殖五穀之淵遠
救於已亡不若近而存存也今國家躬修道德叶惠含
仁湛恩沾洽時風顯宣徒垂意於持平守實務在愛育
元元苟有便於王政者聖主納焉何則物罔挹而不損
道無隆而不移陽盛則運陰滿則虧故存不忘亡安不
諱危雖有仁義猶設城池也客以利器不可久虛而國
家亦不忘乎西都何必去洛邑之淳潛與

蜀都賦

漢 楊雄

蜀都之地古曰梁州禹治其江渟皋彌望鬱乎青蔥沃
野千里上稽乾度則井絡儲精下案地紀則坤宮奠位
東有巴賁鯨亘百濮銅梁金臺火井龍湫其中則有玉
石簪岑丹青玲瓏叩節桃枝石鱗水螭南有犍犛潛夷
昆明峨眉絕限崕塘堪巖亶翔靈山揭其右離堆被其
東於近則有瑕英茵芝玉石江珠遠則有銀鉛錫碧馬
犀象玳西有鹽泉鐵冶橘林銅陵邛連盧池澹漫波淪

其旁則有期牛兕旄金馬碧雞北則有岷山外羌白馬
獸則麋羊野麋罷犇獬獠麋麋麋戶豹能黃獬胡雖
獫狁蠋獫狁猶穀畢方爾乃蒼山隱天汾嶺迴叢增嶰
重萃岵石蠟崔寢巖岬霜雪終夏叩巖岭嶙峋崇隆臨
柴諸徼岷岷五岷參差湔山巖巖觀上岑崑龍陽累岷
淮築交倚崔萃嶠崎集嶮脇施形精出偈堪當隱倚彭
門鳴峽岷嶠岷岷岷岷岷岷岷岷岷岷岷岷岷岷岷岷
崑崙泰極湧泉醴凝水流津漉集成川於是乎則左沉

犁右羌庭漆水淳其甸都江漂其涇乃溢乎通溝洪濤
溶洗千溪萬谷合流逆折泌澌乎爭降湖漕排碣反波
逆凜礫石列巘紛蒨周溥旋溺冤綏顙慙博岸敵呬裨
瀨磴巖控汾汾忽溶闔沛踰窘出限連混阨隧鉦釘鐘
涌聲謹薄泮龍歷豐隆潛延延雷扶電擊鴻康濫遠遠
乎長喻馳山下卒湍降疾流分川並注合乎江州於木
則梗櫟豫章樹榜櫓攄櫓檣桺青稚雕梓扮梧檣櫪櫪
木櫻材信揖叢俊幹湊集批抉揭北檣檣從風推參循

崖撮接涇涇溶續紛幻靡汎閔野望芒芒菲菲其竹則
鍾龍茶篁野篠紛壑宗生族樾俊茂豐美洪溶忿葦紛
揚搔合柯與風披夾江緣山尋卒而起結根才業填衍
迥野若此者方乎數十百里於汜則汪汪漾漾積土崇
隄其淺濕則生蒼葭蔣蒲藿芋青蘋芊葉蓮藕茱華菱
根其中則有翡翠鴛鴦裊鷗鷺雙鶉鷓鴣其深則有
獼獼沉鰮水豹蛟蛇鼃蠃鼃龜衆鱗鰓鰻爾乃其都門
二九四百餘閭兩江珥其市九橋帶其流武僭鎮都刻

削成蔽王基既夷蜀侯尚叢叩籠石屏岍岑倚從秦漢
之徙元以山東是以隕山厥饒水貢其獲苴竹浮流龜
磧竹石竭相救魚酌不收鶩鴈鷓鴣風胎雨穀衆物駭
目殫不知所禦爾乃其裸羅諸圃政緣畛黃甘諸柘柿
桃杏李枇杷杜楸栗柰棠梨離支雜以槲橙被以櫻梅
樹以木蘭扶林禽燭般闕旁支何若英絡其間春机楊
柳褭弱蟬抄扶施連卷貍獭塘蛺子鷗呼焉爾乃五穀
馮戎爪匏饒多卉以部麻往往薑梔附子巨蒜木艾椒

離芍醬醑清衆獻諸斯盛冬育筍舊菜增加百花投春
隆隱芬芳蔓茗熒郁翠紫青黃麗靡螭燭若揮錦布繡
望芒兮無幅爾乃其人自造奇錦統纓纒縵緣盧中
發文揚采轉代無窮其布則細都弱折繇繭成衽阿麗
纖靡避晏與陰蜘蛛作絲不可見風簫中黃潤一端數
金彫鏤釳器百伎千工東西鱗集南北並奏馳逐相逢
周流往來方轅齊轂隱軫幽輻埃敷塵拂萬端異類宗
戎總濃般旋闌闌齊咭楚而喉不感槩萬物奏馳四時

迭代彼不折貨我罔之械財物饒贍蓄積備具若夫慈
孫孝子宗厥祖禰鬼神祭祀揀時選日瀝豫齋戒襲明
衣表玄穀儷吉日異清濁合疎明綏離旅乃使有伊之
徒調夫五味甘甜之和勺藥之羹江東駘鮑隴西牛羊
糴米肥膾麇麇不行鴻獮獮乳獨竹孤鶻炮鷁被紕之
胎山麇膺腦水游之腴蜂豚應雁被鵠晨鳧戮鷁初乳
山鶴既交春羔秋飈膾鮫龜肴杭田孺驚形不及勞五
肉七菜朦厭腥臊可以練神養血睡者莫不畢陳爾乃

其俗迎春送臘百金之家千金之公乾池泄澳觀魚於
江若其吉日嘉會期於送春之陰迎夏之陽侯羅司馬
郭范畠楊置酒乎滎川之間宅設坐乎華都之高堂延
帷揚幕接帳連岡衆器雕琢藻刻將星朱綠之畫邠盼
麗光龍蛇蜿蜒錯其中禽獸奇偉髦山林昔天地降生
杜鄩密促之君則荆上亡尸之相厥女作歌是以其聲
呼吟靖領激呦喝啾戶音六成行夏低徊胥徒入冥及
廟嚙吟請連單情舞曲轉節跣馭應聲其佚則接芬錯

芳襟粘纖延踟淒秋發陽春羅儒吟吳公連眺朱顏離
絳脣眇眇之態吡噉出焉若其遊急魚弋邵公之徒相
與如平陽頻巨沼羅車百乘期會投宿觀者方隄行船
競逐偃行檣曳絺索恍惚羅畏瀾澌蔓蔓沕沕龍睢睨
兮罽布列枚孤施兮纖繁出驚雌落兮高雄蹙翔雌挂
兮奔縈畢俎飛膾沉單然後別

三都賦

有序

晉左思

蓋詩有六義焉其二曰賦揚雄曰詩人之賦麗以則班

固曰賦者古詩之流也先王采焉以觀土風見綠竹猗猗則知衛地淇澳之產見在其版屋則知秦野西戎之宅故能居然而辨八方然相如賦上林而引盧橘夏熟楊雄賦甘泉而陳玉樹青蔥班固賦西都而歎以出比目張衡賦西京而述以游海若假稱珍怪以為潤色若斯之類匪啻於茲考之果木則生非其壤校之神物則出非其所於辭則易為藻飾於義則虛而無徵且夫玉卮無當雖寶非用侈言無驗雖麗非經而論者莫不詆

許其研精作者大氏舉為憲章積習生常有自來矣余
既思摹二京而賦三都其山川城邑則稽之地圖鳥獸
草木則驗之方志風謡歌舞各附其俗魁梧長者莫非
其舊何則發言為詩者詠其所志也升高能賦者頌其
所見也美物者貴依其本讚事者宜本其實匪本匪實
覽者奚信且夫任土作貢虞書所著辨物居方周易所
慎聊舉其一隅攝其體統歸諸詁訓焉

有西蜀公子者言於東吳王孫曰蓋聞天以日月為綱

地以四海為紀九土星分萬國錯峙峻函有帝皇之宅
河洛為王者之里吾子豈亦曾聞蜀都之事歟請為左
右揚摧而陳之夫蜀都者蓋兆基於上世開國於中古
廓靈闕而為門包玉壘而為宇帶二江之雙流抗峨眉
之重阻水陸所湊兼六合而交會焉豐蔚所盛茂八區
而菴藹焉於前則跨躡犍祥枕輅交趾經途所亘五千
餘里山阜相屬含谿懷谷岡巒糾紛觸石吐雲鬱蒼蒼
以翠微崖巍巍以峨峨干青霄而秀出舒丹氣以為霞

龍池渴瀑瀆其隈漏江伏流潰其阿汨若湯谷之揚濤
沛若濛汜之涌波於是乎邛竹緣嶺茵桂臨崖旁挺龍
目側生荔枝布綠葉之萋萋結朱實之離離迎隆冬而
不凋常曄曄而猗猗孔翠羣翔犀象競馳白雉朝雒猩
猩夜啼金馬騁光而絕景碧雞儵忽而曜儀火井沈熒
於幽泉高燭飛煽於天垂其間則有琥珀丹青江珠瑕
英金沙銀鑠符采彪炳暉麗灼爍於後則却背華容北
指崑崙緣以劒閣阻以石門流漢湯湯驚浪雷奔望之

天迴即之雲昏水物殊品鱗介異族或藏蛟螭或隱碧玉嘉魚出於丙穴良木攢於褒谷其樹則有木蘭侵桂杞櫛椅桐椶材楔樅榎枌幽藹於谷底松柏翳鬱於山峯擢修幹竦長條扇飛雲拂輕霄羲和假道於峻岐陽鳥迴翼乎高標巢居棲翔聿兼鄧林穴宅奇獸窠宿異禽熊羆咆其陽鵬鶚鳩其陰猿狖騰希而競捷虎豹長嘯而永吟於東則左繇巴中百濮所充外負銅梁於宕渠內函要害於膏腴其中則有巴菽巴戟靈壽桃枝樊

以菹圃濱以鹽池蠍蜴山棲龜龜水處潛龍蟠於沮澤
應鳴鼓而興雨丹沙赭熾出其坂蜜房郁毓被其阜山
圖采而得道赤斧服而不朽若乃剛悍生其方風謠尚
其武奮之則賓旅玩之則歛舞銳氣剽於中葉驕容出
於樂府於西則右挾岷山湧瀆發川陪以白狼夷歌成
章垌野草昧林麓黝靄交讓所植蹲鴟所伏百藥灌叢
寒卉冬馥異類衆夥於何不育其中則有青珠黃環碧
砮芒消或豐綠萸或蕃丹椒蘼蕪布濩於中阿風連延

蔓於蘭皋紅葩紫飾柯葉漸苞敷蕊歲蕤落英飄颻神
農是嘗盧跗是料芳追氣邪味蠲癘疇其封域之內則
有原隰墳衍通望彌博演以潛沫浸以緜洛溝洫脉散
疆里綺錯黍稷油油梗稻莫莫指渠口以為雲門灑漈
池而為陸澤雖星畢之滂沱尚未齊其膏液爾乃邑居
隱賑夾江傍山棟宇相望桑梓接連家有鹽泉之井戶
有橘柚之園其園則有林檎枇杷橙柿棣棣桃函列
梅李羅生百果甲宅異色同榮朱櫻春熟素柰夏成若

乃大火流涼風厲白露凝微霜結紫梨津潤捥栗罅發
蒲桃亂潰石榴競裂甘至自零芬芳酷烈其圓則有蒟
蒻茱萸瓜疇芋區甘蔗辛薑陽蒞陰敷日往非微月來
扶疎任土所麗衆獻而儲其沃瀛則有攢蔣叢蒲綠菱
紅蓮雜以蒹藻糝以蘋蘩總莖柅柅衰葉蓁蓁蕢實時
味王公差焉其中則有鴻儔鵠侶鷺鷥鵲鵲晨鳧旦至
侯雁銜蘆木落南翔冰泮北徂雲飛水宿呀吭清渠其
深則有白鼃命鼃玄獺上祭鱸鮓鮓魴鯢鯉鯢差鱗

次色錦質報章躍濤戲瀨中流相忘於是乎金城石郭
兼市中區既麗且崇實號成都闢二九之通門畫方軌
之廣塗營新宮於夾堦擬承明而起廬結陽城之延閣
飛觀榭乎雲中開高軒以臨山列綺窗而瞰江內則議
殿爵堂武義虎威宣化之闔崇禮之闔華闕雙邈重門
洞開金鋪交映玉題相暉外則軌躅八達里閑對出比
屋連甍千廡萬室亦有甲第當衢向術壇宇顯敞高門
納駟庭扣鐘磬堂撫琴瑟匪葛匪姜疇能是恤亞以少

城接乎其西市，鄠所會，萬商之淵。列隧百重，羅肆巨千。
賄貨山積，纖麗星繁。都人士女，袷服靚粧。賈貿帶鶯，舛
錯縱橫。異物詭譎，奇於八方。布有幢華，麪有枕柳。叩杖
傳節於大夏之邑，藟醬流味於番禺之鄉。輿輦雜沓，冠
帶混并。累穀疊跡，叛衍相傾。諠譁鼎沸，則哢聒宇宙。囂
塵張天，則埃壒曜靈。闐闐之裏，伎巧之家。百室離房，機
杼相和。貝錦斐成，濯色江波。黃潤比筍，贏金所過。侈侈
隆富，卓鄭埒名。公擅山川，貨殖私庭。藏鏹巨萬，鉅規兼

呈亦以財雄翕習邊城三蜀之豪時來時往養交都邑

結儔附黨劇談戲論扼腕抵掌出則連騎歸從百兩若

其舊俗終冬始春吉日良辰置酒高堂以御嘉賓金罍

中坐肴核四陳觴以清醪鮮以紫鱗羽爵既競絲竹乃

發巴姬彈絃漢女擊節起西音於促柱歌江上之飄厲

紆長袖而屢舞翩躚躚以裔裔合樽促席引滿相罰樂

飲今夕一醉累月若夫王孫之屬郤公之倫從禽於外

巷無居人並乘驥子俱服魚文玄黃異校結駟續紛西

踰金隄東越玉津朔別晦期匪日匪旬蹙蹈蒙籠涉獵
寥廓鷹犬儵呻爵羅絡幕毛羣陸離羽族紛泊翕響揮
霍中網林薄屠廩廩剪旄塵帶文蛇跨彫虎志未騁時
欲晚追輕翼赴絕遠出彭門之闕馳九折之坂經三峽
之崢嶸躡五岫之蹇蹇戟食鐵之獸射噬毒之鹿拍羆
氓於蔓草彈言鳥於森木拔象齒戾犀角鳥鍛駟獸廢
足殆而竭來相與第如滇池集乎江洲試水客艤輕舟
娉江妃與神遊罨翡翠釣鯉鮪下高鵠出潛蚪吹洞簫

發擢謳感鱣魚動陽侯騰波沸涌珠貝沉浮若雲漢含
星而光耀洪流將饗獠者張帟幕會平原酌清醑割芳
鮮飲御酣賓旅旋車馬雷駭轟轟闐闐若風流雨散漫
乎數百里之間斯蓋宅土之所安樂觀聽之所踴躍也
馬獨三川為世朝市若乃卓犖奇譎倜儻罔已一經神
怪一緯人理遠則岷山之精上為井絡天帝運期而會
昌景福胙蠶而興作碧出萇弘之血鳥生杜宇之魄妄
變化而非常嗟見偉於疇昔近則江漢炳靈世載其英

蔚若相如矚若君平王褒暉暉而秀發揚雄含章而挺
生幽思絢道德摛藻揆天庭考四海而為雋當中葉而
擅名是故游談者以為美造作者以為程也至于臨谷
為塞因山為障峻岨塍埒長城豁險吞若巨防一人守
隘萬夫莫向公孫躍馬而稱帝劉宗下輦而自王由此
言之天下孰尚故雖兼諸夏之富有猶未若茲都之無
量也

右賦蜀都

東吳王孫輟然而咤曰夫上圖景宿辨於天文者也下料物土析於地理者也古先帝世曾覽八紘之洪緒一六合而光宅翔集遐宇鳥策篆素玉牒石記烏聞梁岷有陟方之館行宮之基歟而吾子言蜀都之富禺同之有偉其區域美其林藪矜巴漢之阻則以為襲險之右徇蹲鵠之沃則以為世濟陽九齷齪而算固亦曲士之所歎也旁魄而論都邑抑非大人之所壯觀也何則土壤不足以攝生山川不足以周衛公孫國之而破諸葛

家之而滅茲乃喪亂之丘墟顛覆之軌轍安可以儼王公而著風烈也翫其磧礫而不窺玉淵者未知驪龍之所蟠也習其敝邑而不覩上邦者未知英雄之所躔也子獨未聞大吳之巨麗乎且有吳之開國也造自泰伯宣於延陵蓋端委之所彰高節之所興建至德以創洪業世無得而顯稱由克讓以立風俗輕脫躡於千乘若率土而論都則非列國之所缺望也故其經略上當星紀拓土畫疆卓犖兼并包括於越跨躡蠻荆婺女寄其

曜翼軫寓其精指衡嶽以鎮野目龍川而帶垌爾其山
澤則鬼嶷堯屹嬰溟鬱弗潰汙泮汗渙泐森漫或涌川
而開瀆或吞江而納漢硨磲硨磲澎湃汧汧礧礧乎數
州之間灌注乎天下之半百川派別歸海而會控清引
濁混濤并瀨瀆薄沸騰寂寥長邁漚馬洶洶隱焉礧礧
出乎大荒之中行乎東極之外經扶桑之中林包暘谷
之滂沛潮波汨起迴復萬里歔霧逢淳雲蒸昏昧泓澄
齋濤瀕溶沆瀣莫測其深莫究其廣澶沽漠而無涯總

有流而為長環異之所叢育鱗甲之所集往於是乎長

鯨吞航修鯢吐浪躍龍騰蛇蛟鯢琵琶王鮪鯨鮐龜

鰭鰐烏賊擁劔龜鼉鯖鰐涵泳乎其中葺鱗鏤甲詭類

舛錯汴泗順流噉喙沉浮鳥則鷗鷺鷦鷯鵲鷯鷯鷯鷯

鷗避風候鴈造江鷗鷺鷦鷯鷽鷽鷽鷽鷽鷽鷽鷽鷽

乎其上湛淡羽儀隨波參差理翮整翰容與自玩彫琢

蔓藻刷盪漪瀾魚鳥聲取萬物蠢生芒芒黥黥荒罔奄

欬神化翕忽幽幽育明窮性極形盈虛自然蚌蛤珠胎

與月虧全巨鼇員首冠靈山大鵬繽翻翼若垂天振
盪汪流雷抃重淵殷動宇宙胡可勝原島嶼縣邈洲渚
憑隆曠瞻迢遞迴眺冥蒙珍怪麗奇隙充徑路絕風雲
通洪桃屈盤丹桂灌叢瓊枝抗莖而敷蕊珊瑚幽茂而
玲瓏增岡重阻列真之宇玉堂對雷石室相距藹藹翠
幄嫋嫋素女江妃於是往來海童於是宴語斯實神妙
之饗象嗟難得而覩縷爾乃地勢塊北卉木夭蔓遭藪
為圃值林為苑異荂蔭蒨夏暉冬蒨方志所辨中州所

羨草則藿藟荳蔻薑彙非一江離之屬海苔之類綸組
紫絳食葛香茅石帆水松東風扶留布蔑皋澤蟬聯陵
丘黃緣山嶽之品幕歷江海之流杞白帶銜朱蕤鬱兮
蓀茂曄兮菲菲光色炫晃芬馥肝蠻職貢納其包匭離
騷詠其宿莽木則楓桺豫章楸櫟枸櫞杞栳櫨文櫟
楨檀平仲君遷松梓古度楠榴之木相思之樹宗生高
岡族茂幽阜擢本千尋垂蔭萬畝攢柯挈莖重葩晻葉
輪囷蚪螭埒璘接榮色雜糅綢繆綉繡宵露霑霽旭

日晦時與風颺颺颺瀏颺颺鳴條律暢飛音響亮蓋象
琴筑并奏笙竽俱唱其上則有猿父哀吟獬子長嘯狖
鼯猱然騰趨飛超爭縣接垂競遊遠枝驚透沸亂牢落
翬散其下則有梟羊麀狼猓貍象於菟之族羣兕之
黨鉤爪鋸牙自成鋒穎晴若曜星聲若雷霆名載於山
經形鏤於夏鼎其竹則篴簫箴箴桂箭射筒袖梧有篴
簫簫有叢苞筍抽節往往縈結綠葉翠莖冒霜停雪楠
矗森萃蒨茸蕭瑟檀欒嬋娟玉潤碧鮮梢雲無以踰嶰

谷弗能連鶯鶯食其實鵲雖擾其間其果則丹橘餘甘
荔枝之林檎榔無柯桺葉無蔭龍眼橄欖探榴禦霜結
根比景之陰列挺衡山之陽素花斐丹秀芳臨青壁係
紫房鷓鴣南翥而中留孔雀綵羽而翱翔山雞歸飛而
來棲翡翠列巢以重行其琛賂則琨瑤之阜銅錯之垠
火齊之寶駭雞之珍頰丹明璣金華銀樸紫貝流黃縹
碧素玉隱賑歲褰雜插幽屏精曜潛穎若陟山谷倚岸
為之不枯林木為之潤黷隋侯於是鄙其夜光宋王於

是陋其結綠其荒陬譎詭則有龍穴內蒸雲雨所儲陵
鯉若獸浮石若桴雙則比目片則王餘窮陸飲木極沉
水居泉室潛織而卷綃淵客恍慨而泣珠開北戶以向
日齊南冥於幽都其四野則畛畷無數膏腴兼倍原隰
殊品宏隆異等象耕鳥耘此之自與穡秀菰穗於是乎
在煮海為鹽採山鑄錢國稅再熟之稻鄉貢八蠶之絲
徒觀其郊隧之內與都邑之綱紀霸王之所根柢開國
之所基址郭郭周匝重城結隅通門二八水道陸衢所

以經始用累千祀也憲紫宮以營室廓廣庭之漫漫寒暑隔閔於邃宇虹蜺迴帶於雲館所以跨時炳煥萬里也造姑蘇之高臺臨四遠而特建帶朝夕之濬池佩長洲之茂苑窺東山之府則瓊寶溢目觀海陵之倉則紅粟流行起寢廟於武昌作離宮於建業闡闔之所營采夫差之遺法抗神龍之華殿施榮楯而捷獵宗臨海之崔嵬飾赤烏之曄曄東西膠葛南北崢嶸房櫳對櫟連閣相經閣闔譎詭異出奇名左稱彎崎右號臨砥雕

樂鏤案青瑣丹楹圖以雲氣畫以仙靈雖茲宅之夸麗
曾未足以少寧思比屋於傾宮畢結瑤而構瓊高闈有
閼洞門方軌朱闕雙立馳道如砥樹以青槐亘以淶水
玄陰眈眈清流疊疊列寺七里夾棟陽路屯營櫛比解
署綦布橫塘查下邑屋隆夸長干延屬飛甍舛互其居
則有高門鼎貴魁岸豪傑虞魏之昆顧陸之裔岐嶷繼
體老成奕世躍馬疊跡朱輪累轍陳兵而歸蘭錡內設
冠蓋雲陰閭閻闐噎其鄰則有任俠之靡輕詵之客締

交翩翩儼從奕奕出躡珠履動以千百里讌卷飲飛觴
舉白翹闕扛鼎抃射壺博都陽暴謔中酒而作於是樂
只行而歡飫無匱都輦殷而四輿來暨水浮陸行方舟
結駟唱棹轉轂昧旦永日開市朝而普納橫闌闌而流
溢混品物而同塵并都鄙而為一士女佇眙工賈駢坐
紵衣絺服雜沓從萃輕輿按轡以經隧樓船舉颿而過
肆果布輻湊而常然致遠流離與珂珮縹賄紛紜器用
萬端金鎰磊砢珠琲闌干桃笙象簟韜於筒中蕉葛升

越弱於羅紈澀嘉樂膠交貿相競誼譁喤呷芬葩蔭映
揮袖風飄而紅塵晝昏流汗霖霖而中達泥濘富中之
氓貨殖之選乘時射利財豐巨萬競其區宇則并疆兼
巷矜其宴居則珠服玉饌趨材悍壯此焉比廬捷若慶
忌勇若專諸危冠而出疎劒而趨扈帶鮫函扶掖屬鏤
藏銳於人去戲自問家有鶴膝戶有犀渠軍容蓄用器
械兼儲吳鉤越棘純鉤湛盧戎車盈於石城戈船掩於
江湖露往霜來日月其除草木節解鳥獸腠膚觀鷹隼

誠征夫坐組甲建祀姑命官師而擁鐸將校獵乎具區
烏滸狼隳夫南西屠儋耳黑齒之酋金鄰象郡之渠驪
駢蟲商鞅雪驚捷先驅前途俞騎騁路指南司方出車
輦輦被練鏘鏘吳王乃巾玉輅軺驕驕旗魚須常重光
攝烏號佩干將羽旄揚蕤雄戟耀鉉貝冑象弭織文烏
章六軍衲服四騏龍驤峭格周施置爵普張罽罕瑣結
毳蹠連網陸以九疑禦以沅湘輶軒蓼擾設騎煒煌袒
裼徒搏拔距投石之部援臂駢脅狂趨獷獫鷹瞵鶚視

參譚玃玃若離若合者相與騰躍乎莽畧之野干鹵及
鉞陽夷勃盧之旅長殺短兵直髮馳騁僊佻並銜枚
無聲悠悠旆旌者相與聊浪乎昧莫之垠鉦鼓疊山火
烈燹林飛燭浮煙載霞載陰拉獵雷礮崩巒阨岑鳥不
擇木獸不擇音暴彪虓頰麋麋六駁追飛生彈鸞鵠
射獠玃白雉落黑鳩零陵絕嶠嶠聿越巉嶮跼踰竹柏
獬豸杞枿封狶玃神螭掩剛鏃潤霜刃染於是弭節頓
轡齊鑣駐蹕徘徊倘佯寓目幽蔚覽將帥之拳勇與士

卒之抑揚羽族以背距為刀鉞毛羣以齒角為矛鉞皆
體著而應卒所以挂斡而為創痛衝蹕而斷筋骨莫不
刎銳挫鏖拉捍摧藏雖有石林之窄崿請攘臂而靡之
雖有雄虺之九首將抗足以趾之顛覆巢居剖破窟宅
仰攀鷄鵲俯蹴豺獍劫剗熊羆之室剗掠虎豹之落猩
猩啼而就擒嚙嚙笑而被格屠巴蛇出象骼斬鵬翼掩
廣澤輕禽狡獸周章夷猶狼跋乎紉中忘其所以睽睨
失其所以去就覓禡氣懾而自踢跖者應弦而飲羽形

傾景僵者累積而增益雜襲錯繆傾藪薄倒岬岫巖穴
無研縱翳薈無麋鷄思假道於豐隆披重霄而高狩籠
烏兔於日月窮飛走之棲宿嶰澗閼岡岵童罽滿效
獲衆迴靶乎行睨觀漁乎三江汎舟航於彭蠡渾萬艘
而既同弘舸連舳巨艦接鱸飛雲蓋海制非常模疊華
樓而島峙時髣髴於方壺比鷁首之有裕邁餘艍於往
初張組帷構流蘇開軒幌鏡水區篙工楫師選自閩禺
習御長風狎翫靈胥責千里於寸陰聊先期而須臾擢

謳唱簫籟鳴洪流響渚禽驚弋磻放稽鵲鵬虞機發留
鵠鵲鈎餌縱橫網苦接緒術兼詹公巧傾任父筌鮠鱭
鰓鰾鯊罩兩魴巢鯨鰕乘鱉鼃鼃同眾共羅沉虎潛鹿
羣隴倨束徽鯨輩中於羣憺機槍暴出而相屬雖復臨
河而釣鯉無異射鮒于井谷結輕舟而競逐迎潮水而
振緡想萍實之復形訪靈夔於鮫人精衛銜石而遇繳
文鯨夜飛而觸綸北山亡其翔翼西海失其游鱗雕題
之士鏤身之卒比飾虬龍蛟螭與對簡其華質則剋費

錦績料其虢勇則鵬悍狼戾相與昧潛險搜環奇摸瑇
瑁捫背螭剖巨蚌於回淵濯明月於連漪畢天下之至
異訖無索而不臻谿壑為之一罄川瀆為之中貧哂澹
臺之見謀聊襲海而徇珍載漢女於後舟追晉賈而同
塵汨乘流以砰宕翼颶風之颼颼直衝濤而上瀨常沛
沛以悠悠汜可休而凱歸揖天吳與陽侯指包山而為
期集洞庭而淹留數軍實乎桂林之苑饗戎旅乎落星
之樓置酒若淮泗積肴若山丘飛輕軒而酌綠醕方雙

轡而賦珍羞飲烽起鼙鼓震士遺倦衆懷忻幸乎館娃
之宮張女樂而娛羣臣羅金石與絲竹若鈞天之下陳
登東歌操南音肩陽阿詠韎任荆豔楚舞吳歆越吟翕
習容裔靡靡惜惜若此者與夫唱和之隆響動鐘磬之
鏗鉉有殷坻頽於前曲度難勝皆與謠俗叶協律呂相
應其奏樂也則木石潤色其吐哀也則淒風暴興或超
延露而駕辯或踰淥水而採菱軍馬弭髦而仰秣淵魚
竦鱗而上升酣滑半八音并歡情留良辰征魯陽揮戈

而高麾迴曜靈於太清將轉西日而再中齊既往之精
誠昔者夏后氏朝羣臣於茲土而執玉帛者以萬國蓋
亦先王之所高會而四方之所軌則春秋之際要盟之
主闔閭申其威夫差窮其武內果伍員之謀外騁孫子
之奇勝彊楚於柏舉棲勁越於會稽闕溝於商魯爭長
於黃池徒以江湖嶮陂物產殷充繞雷未足言其固鄭
白未足語其豐士有陷堅之銳俗有節概之風睚眦則
挺劍喑鳴則彎弓擁之者龍騰據之者虎視麾城若振

槁搴旗若顧指雖帶甲一朝而元功遠致雖累葉百疊
而富强相繼樂滑衍其方域列仙集其土地桂父練形
而易色赤須蟬蛻而附麗中夏比焉畢世罕見丹青圖
其象珍瑋貴其實利也舜禹游焉沒齒而忘歸精靈留
其山阿玩其奇麗剖判庶士商榷萬俗國有鬱鞅而顯
敞邦有湫阨而蜷跼伊茲都之函弘傾神州而韞櫝仰
南斗以斟酌兼二儀之優渥由此而揆之西蜀之於東
吳小大之相絕也亦猶棘林螢耀而與夫尋木龍燭也

否泰之相背也亦猶帝之懸解而與夫桎梏疏屬也庸
可共世而論巨細同年而議豐確乎暨其幽遐獨邃寥
廓間與耳目之所不該足趾之所不蹈倜儻之極異屈
詭之殊事藏理於終古而未寤於前覺也若吾子之所
傳孟浪之遺言略舉其梗概而未得其要妙也

右賦吳都

魏國先生有睟其容乃盱衡而誥曰異乎交益之士蓋
音有楚夏者土風之乖也情有險易者習俗之殊也雖

則生常固非自得之謂也昔市南宜僚弄丸而兩家之
難解聊為吾子復玩德音以釋二客競於辯囿也夫太
極剖判造化權輿體兼晝夜理包清濁流而為江海結
而為山嶽列宿分其野荒裔帶其隅巖岡潭淵限蠻隔
夷峻危之竅也蠻貊夷落譯導而通者鳥獸之氓也正
位居體者以中夏為喉舌不以邊陲為襟帶也長世字
甞者以道德為藩不以叢險為屏也而子大夫之賢尚
弗曾庶翼等威附麗皇極思稟正朔樂率貢職而徒務

於詭隨匪民宴安於絕域榮其文身驕其險棘繆默語
之常倫牽膠言而踰侈飾華離以矜然假倔彊而攘臂
非醇粹之方壯謀踳駁於王義孰愈尋靡蒔於中遠造
沐猴於棘刺劍閣雖嶮憑之者蹶非所以深根固蒂也
洞庭雖濬負之者北非所以愛人治國也彼桑榆之末
光踰長庚之初暉況河冀之夾塏與江介之湫洧故將
語子以神州之略赤縣之畿魏都之卓犖六合之樞機
於時運距陽九漢綱絕維奸回內鼎兵纏紫微翼翼京

室耽耽帝宇巢焚原燎變為煨燼故荆棘旅庭殷殷寰
內繩繩八區鋒鏑縱橫化為戰場故麋鹿寓城也伊洛
榛曠峭函荒蕪臨苗牢落鄆郢丘墟而是有魏開國之
日締構之初萬邑譬焉亦猶犂麋之與子都培塿之與
方壺也且魏土者畢昴之所應虞夏之餘人先王之桑
梓列聖之遺塵考之四隈則八埏之中測之寒暑則霜
露所均卜偃前識而賞其隆吳札聽歌而美其風雖則
衰代而盛德形於管絃雖踰千祀而懷舊蘊於遐年爾

其疆域則旁極齊秦結湊冀道開胷殷衛跨躡燕趙山
林幽峽川澤迴繚恒碣礧礧於青霄河汾浩泚而皓漭
南瞻淇澳則綠竹純茂北臨漳溢則冬夏異治神鉦追
遞於高靈靈響時驚於四表溫泉泌湧而自浪華清蕩
邪而難老墨井鹽池玄滋素液厥田惟中厥壤惟白原
隰昀昀墳行斤斤或蒐擧而復陸或醺朗而拓落乾坤
交泰而烟煴嘉祥嶽而而豫作是以兆朕振古萌抵疇
昔藏氣識緯閎象竹下迴時世而淵默應期運而光赫

暨聖武之龍飛肇受命而光宅爰初自臻言占其良謀
龜謀筮亦既允臧修其郭郭繕其城隍經始之制牢籠
百王畫雍豫之居寫八都之宇鑒茅茨于陶唐察卑宮
於夏禹古公草創而高門有閔宣王中興而築室百堵
兼聖哲之軌并文質之狀商豐約而折中準當年而為
量思重文摹大壯覽荀卿采蕭相倣拱木於林衡授全
模於梓匠遐邇悅豫而子來工徒擬議而騁巧闡鉤繩
之筌緒承二分之正要揆日晷考星曜建社稷作清廟

築曾宮以迴匝比岡隙而無陂造文昌之廣殿極棟宇
之弘規對若崇山崖起而崔嵬髣若玄雲舒蜺以高垂
瓌材巨世插塊參差粉櫟複結欒櫨疊施丹梁虹申以
並亘朱楠森布而支離綺并列疏以懸蒂華蓮重葩而
倒披齊龍首而涌雷時梗槩於滌池旅楹間列暉鑒挾
振棖題黠黠階隋嶙峋長庭砥平鐘虞夾陳風無纖埃
雨無微津巖巖北闕南端攸遵竦峭雙碣方駕比輪西
闕延秋東啓長春用覲羣后觀享頤賓左則中朝有葩

聽政作寢匪樸匪斲去泰去甚木無雕鏤土無綈錦玄
化所甄國風所稟於前則宣明顯揚順德崇禮重閭洞
出鏘鏘濟濟珍樹猗猗奇卉萋萋蕙風如薰甘露如醴
禁臺省中連闥對廊直事所繇典刑所藏藹藹列侍金
蜩齊光詰朝陪幄納言有章亞以往後執法內侍符節
謁者典璽諸吏膳夫有官藥劑有司有驛順時腠理則
治於後則椒鶴文石永巷壺術楸梓木蘭次舍甲乙西
南其戶成之匪日丹青炳煥特有溫室儀刑宇宙歷象

賢聖圖以百瑞粹以藻詠茫茫終古此焉則鏡有虞作
績茲亦等競右則蔬圃曲池下畹高堂蘭渚莓莓石瀨
湯湯弱菱係實輕葉振芳奔龜躍魚有睳呂梁馳道周
屈於果下延閣肩宇以經營飛陞方輦而徑西三臺列
峙而崢嶸亢陽高於陰基擬華山之削成上系棟而重
雷下冰室而沍冥周軒中天丹墀臨焱增構戔戔清塵
影影雲雀踳躑而矯首壯翼攜鏤於青霄雷雨窈冥而
未半皦日籠光於綺寮習步頓以升降御春服而逍遙

八極可圍於寸眸萬物可齊於一朝長塗年首豪傑互
經晷漏肅唱明宵有程附以蘭綺宿以禁兵司衛閑邪
鉤陳罔驚於是崇墉濬洫嬰堞帶洙四門轍轍隆廈重
起憑太清以混成越埃壻而資始邈邈標危亭亭峻峙
臨焦原而弗怵誰勁捷而無猓與岡岑而永固非有期
乎世祀陽靈停曜於其表陰祇濛霧於其裏苑以玄武
陪以幽林繚垣開圀觀宇相臨碩果灌叢圍木竦尋篁
篠懷風蒲桃結陰回淵淮積水深蒹葭贗籬弱森丹藕

凌波而的皪綠芰泛濤而浸潭羽翮頡頏鱗介浮沉栖
者擇木雖者擇音若咆渤澥與姑餘常鳴鶴而在陰表
清籟勒虞箴思國卹忘從禽樵蘇往而無忌即鹿縱而
匪禁腓腓垌野奕奕菑畝甘荼伊蠹芒種斯阜西門溉
其前史起灌其後澄流十二同源異口蓄為屯雲泄為
行雨水澍稂稂陸蒔稷黍黝黝桑柘油油麻紵均田畫
疇蕃廬錯列薑芋充茂桃李蔭翳家安其所而服美自
悅邑屋相望而隔踰奕世內則街衢輻湊朱闕結隅石

杠飛梁出控漳渠疏通溝以濱路羅清槐以蔭塗比滄
浪而可濯方步櫚而有踰習習冠蓋莘莘烝徒斑白不
提行旅讓衢設官分職營處署居夾之以府寺班之以
里閭其府寺則位副三事官踰六卿奉常之號大理之
名厦屋一揆華屏齊榮肅肅階闕重門再扃師尹爰止
眎世作楨其閭閻則長壽吉陽永平思忠亦有戚里寘
宮之東開出長者巷包諸公都護之堂殿居綺窗輿騎
朝猥蹠敝其中營客館以周坊飾賓旅之所集瑋豐樓

之閑閤起建安而首立葺牆幕室房廡雜襲剗剗罔輟
匠斲積習廣成之傳無以儔橐街之邸不能及廓三市
而開塵籍平達而九達班列肆以兼羅設闌闌以襟帶
濟有無之常偏距日中而畢會抗旗亭之晁薛侈所眺
之博大百隧轂擊連軫萬貫憑軾捶馬袖幕紛半一八
方而混同極風采之異觀質劑平而交易刀布貿而無
算材以工化賄以商通難得之貨此則不容器周用而
長務物背窳而就攻不鬻邪而豫賈著馴風之醇醲白

藏之藏富有無隄同賑大內控引世資寶帑積滯琛幣
充牣闕石之所和鈞財賦之所底慎燕弧盈庫而委勁
冀馬填廐而駟駿至乎勅敵糾紛庶土罔寧聖武興言
將曜威靈介冑重襲旌旗躍莖弓珧解繁矛鋌飄英三
屬之甲縵胡之纓控弦簡發妙擬更羸齊被練而鋤戈
襲偏裒以讀列畢出征而中律執奇正以四伐碩畫精
通目無匪制推鋒積紀鋌氣彌銳三接三捷既晝亦月
剋翦方命吞滅咆咻雲撤叛換席卷虔劉侵威八紘荒

阻率由洗兵海島刷馬江洲振旅輶輶反旆悠悠凱歸
同飲疏爵普疇朝無刑印國無費留喪亂既弭而能宴
武人歸獸而去戰蕭斧戢柯以押刃虹旌攝麾以就卷
斟洪範酌典憲觀所恒通其變上垂拱而司契下緣督
而自勸道來斯貴利往則賤圉圉寂寥京庾流行於是
東鯁即序西傾順軌荆南懷懋朔北思韙繇繇迴塗驟
山驟水襁負責贄重譯貢筐暨首之豪錄耳之傑服其
荒服斂社魏闕置酒文昌高張宿設其夜未遽庭燎晰

晰有客祁祁載華載裔岌岌冠緹累累辨髮清酤如濟
濁醪如河凍醴流澌溫酎躍波豐肴行行庖皤皤惜
惜醞讌酣滑無諱延廣樂奏九成冠韶夏冒六英五莖
僧響起疑震霆天宇駭地廬驚億若大帝之所興作二
羸之所曾聆金石絲竹之恒韻匏土草木之常調干戚
羽旄之飾好清謳微吟之要妙世業之所日用耳目之
所聞覺雜糅紛錯兼該泛博鞮屨所掌之音秣昧任禁
之曲以娛四夷之君以睦八荒之俗既苗既猗爰遊爰

豫藉田以禮動大閱以義舉備法駕理秋御顯文武之
壯觀邁梁騶之所著林不槎枿澤不伐天斧斨以時罾
網以道德連木理仁挺芝草皓獸為之育藪丹魚為之
生沼裔雲翔龍澤馬于阜山圖其石川形其實莫黑匪
烏三趾而來儀莫赤匪狐九尾而自擾嘉穎合穗以尊
尊醴泉涌流而浩浩顯禎祥以曲成固觸物而兼造蓋
亦明靈之所酬酢休徵之所偉兆眈眈率土遷善罔匱
沐浴福應宅心醴粹餘糧栖畝而弗收頌聲載路而洋

溢河洛開典符命用出翩翩黃鳥銜書來訊人謀所尊

鬼謀所秩劉宗委馭異其神器闕玉策於金縢案圖錄

於石室考歷數之所在察五德之所莅量寸旬涓吉日

陟中壇即帝位改正朔易服色繼絕世修廢職徽幟以

變器械以革顯仁翌明藏用玄默菲言厚行陶冶染學

讐校篆籀篇章畢覲優賢著於揚歷匪蘖形於親戚本

枝別榦蕃屏皇家勇若任城才若東阿抗旂則威噉秋

霜擒翰則華縱春葩英詰雄豪佐命帝室相兼二八將

猛四七赫赫震震開務有謚故令斯民覩泰階之平可
比屋而為一算祀有紀天祿有終傳業禪祚高謝萬邦
皇恩綽矣帝德沖矣讓其天下臣至公矣榮操行之獨
得超百王之庸庸追亘卷領與結繩睠留重華而比蹤
尊盧赫胥羲農有熊雖自以為道洪化以為隆世篤玄
同奚遽不能與之踵武而齊其風是故料其建國析其
法度諮其考室議其舉措復之而無斁申之而有裕非
疏羈之士所能精非鄙俚之言所能具至於山川之倬

詭物產之魁殊或名奇而見稱或實異而可書生生之
所常厚洵美之所不渝其中則有鴛鴦交谷虎澗龍山
掘鯉之淀蓋節之淵泚泚精衛銜木償怨常山平干鉅
鹿河間列真非一往往出焉昌容練色犢配眉連玄俗
無影木羽偶仙琴高沉水而不濡時乘赤鯉而周旋師
門使火以驗術故將去而林燔易陽壯容衛之稚質邯
鄲躑步趙之鳴瑟真定之梨固安之栗醇酎中山流湎
千日淇洹之筍信都之棗雍丘之梁清流之稻錦繡襄

邑羅綺朝歌繇續房子縑總清河若此之屬繁富夥够
非可單究是以抑而未罄也蓋比物以錯辭述清都之
間麗雖選言以簡章徒九復而遺旨覽大易與春秋判
殊隱而一致末上林之墮牆本前修以作系其軍容弗
犯信其果毅糾華綏戎以戴公室元勲配管敬之績歌
鐘析邦君之肆則魏絳之賢有令聞也間居隘巷室邇
心遐富仁寵義職競弗羅千乘為之軾廬諸侯為之止
戈則干木之德自解紛也貴非吾尊重士踰山親御監

門謙謙同軒搦秦起趙威振八蕃則信陵之名若蘭芬
也英辯榮枯能濟其厄位加將相室隙之策四海齊鋒
一口所敵則張儀張祿亦足云也推惟庸蜀與鵠鵠同
窠句吳與鼃鼃同穴一自以為禽鳥一自以為魚鼈山
阜猥積而崎嶇泉流迸集而映咽隰壤瀝漏而沮洳林
藪石留而蕪穢窮岫泄雲日月恒翳宅土燬暑封疆障
厲蔡莽螫刺昆蟲毒噬漢罪流禦秦餘徙帑宵貌藁陋
稟質蓬脆巷無杼首里罕耆耄或魁髻而左言或鏤膚

而鑽髮或明發而耀歌或浮泳而卒歲風俗以蜚慄為
孌人物以戕害為藝威儀所不攝憲章所不綴由重山
之東阨因長川之裾勢距遠闕以闕關時高櫟而陞制
薄戍繇幕無異蛛蝥之網弱卒瑣甲無異螳螂之衛與
先世而常然雖信險而勦絕揆既往之前跡即將來之
後轍成都迄已傾覆建業則亦顛沛顧非系卵於疊棊
焉至觀形而懷怛權假日以餘榮比朝華而菴藹覽麥
秀與黍離可作謠於吳會先生之言未卒吳蜀二客矐

然相顧睵焉失所有覲惜容神蕊形如弛氣離坐煥墨
而謝曰僕黨清狂怵迫閩濮習蓼蟲之忘辛翫進退之
惟谷非常寐而無覺不覩皇輿之軌躅過以汎剽之單
惠歷執古之醇聽兼重性以胞繆徇辰光而罔定先生
玄識深頌靡測得聞上德之至盛匪同憂於有聖抑若
春霆發響而驚蟄飛競潛龍浮景而幽泉高鏡雖星有
風雨之好人有異同之性庶覲鄙家與剝廬非蘇世而
居政且夫寒谷豐黍吹律暖之也昏情爽曙箴規顯之

也雖明珠兼寸尺璧有盈曜車二六三傾五城未若申
錫典章之為遠也亮曰日不雙麗世無兩帝天經地緯
理有大歸安得齊給守其小辯也哉

右賦魏都

辨蜀都賦有序

宋王騰

人物習性有忠有邪有智有愚出於才行而不由土產
自趙諗狂圖好事者類指以疵蜀人蜀之衣冠含笑強
顏無與辨之者余嘗切齒焉及讀左思賦見其薄蜀陋

吳諂魏以諛晉之君臣苟售一時之聲價而滅天下之忠義晉之公卿一口稱譽風俗頹矣士無特操以陷四朝於五胡卒貽萬世之愧夫魏者漢之賊也原思之詞似欲尊正統而黜偏方然不顧正氣之淪溺乃知蜀之橫被狂抑其所由來者久矣故作辨蜀都賦以申蜀人之憤氣其商略土風採摭人物不該乎治亂興廢之變邪正是非之理者不在鋪布之限非若前輩之詞主於類聚山川毛舉動植以煥文采之美觀悅讀誦之利口

而已也

辨疑先生核理儲思欲析蜀都未繹其辭客有東方者
過而問之曰昔者太沖搆十稔之意搜三都之奇文成
示人張華見推士安序焉盛傳於時豈其猶有未盡而
夫子欲糾其所違先生曰嘻子未之知也吾蜀立極之
初域民之始井邑山川之秀人物風俗之美是則左思
備言之矣然而論列人材詳明士類第言文藻之華揆
不及蜀人之忠義遂與吳俗例加抑忌非特沒其實美

且沮之以橫議川靈為之扼腕嶽鎮為之憤氣吾以此
為有遺恨故申言其所以夫品物流行九土分數惟有
蜀為極險之區羊腸繞其垠鰐鳥道駕於至虛行者却
履以視棧乘者投繩而鈎車驗太白之所賦蓋未髣其
錙銖實天限而地隔故山峭而川迂宜若與中夏否閉
而不通其車書然而朝宗之水浩浩而南傾內附之山
峨峨而東蹙口呀雙劍若郊岐虎啗之吻尾拽終南乃
咸雍金城之麓以其有所附屬而不能自立故命名者

號之曰蜀自西而東昔本無途金牛詐言五丁是除吾

人由之既艱且虞一夫舉足十夫荷儲食黃白以骨立

卧冰藜而裂膚蜀士遠於進取蜀民疲於轉輸歎天閭

之已邈望秦隴以長吁然且連綱之運應聲穿領之牛

係路陟長坂以猶及繞大江而不悞指日而物不緩期

按籍而民無逋戶邊餉以需上供有裕悉陸海之攸產

飽神圉之所聚五季之阨王朴獻謀謀先取蜀以阜兵

餽餼足兵強乃征方州時乏遠御朴言不酬及我太祖

算如朴策蜀定國富次平諸國蜀於是時興王有力嚮者孟氏撫樞矜憐惠愛其人捐租五年及我王師宣威三川卒無一夫東嚮而控弦蓋傾心於正統眎私恩猶缺然是使偽命牽羊偏方銜璧顧旌纛以涕泗仆逵衢而思積感恩之意則誠効順之心自直豈若他邦之蠢愚怒螳臂於車轍由古而來可得而聞李雄劉闢季連公孫因仍世難割據坤靈盜蜀而王踵起而霸類非蜀人三國之際異方鼎峙若南若北輔吳崇魏惟我蜀人

不私非類雖輔璋戴備以自固猶謂吾君之子而卒臣
劉氏晉宋而下南北風馬南鬱屈以遊竟北陸梁而騁
駕衣冠稽首於左衽濟洛順風於氏霸惟此西土爰歸
南化豈赴弱以背強蓋惡夷而即夏追蕭紀之不令汴
岷江而僭正梁人召寇以救亂魏氏懷姦而託信彼實
包藏此惟附順逆施不惠於宜都內潰爰從於遲迴豈
瞻顧於北風蓋欽恭於王命不惟蜀人不盜蜀都歷代
以來亂離間起在內在外為姦為宄董卓桓氏元載朱

泚龐勛劉闢樊崇韓遂懷允扇悖言不詳紀試攷譜牒
按其間里苟揮羿浞之戈悉匪岷嶓之士在唐中弱齊
蔡幽并諧結諸鄰脣齒相因叛主之師逐帥之黥陸梁
百年不為王臣是亦何嘗連吾蜀民帝室內訐藥牙匪
彛震動萬乘再狩於西民與其帥開闕迺之天王蒞止
百官六師國用告乏衆艱於饑與其吏民縑粟輸之比
其還歸恬不知危茲蓋處平則率理以奉京邑之靈遭
變則自完以待中原之睦欲攜之則難叛欲一之則易

服豈特文有餘而武不足邪亦其天資正順而敦篤近者趙諗圖結巴渠包藏歷年困於無徒爰及吳儔妖謀是趨蜀人白發遙服其誅由是言之蜀何負於君王歟思徒見其鄰於西夷遠於上國謂丘壑之險鄙方隅之僻但分中外之質麗不決正邪之名實胡所據邪成周之盛四海同風冠帶所加古無比隆淮徐連齊魯之軫而有夷伊洛按豐鎬之都而有戎方春秋之尊夏視吳楚猶貉蟲大周宗伯而不數抑又矧於閩中雖今俊乂

之所出在昔語言之不通是則與我均為遠服安得妄
論其異同然而自差觀之華陽黑水別封畛於堯籍岷
山導江歷經營於禹跡秦氏剖符李冰擁節五政七賦
被自古昔而四載所至南止荆揚之域荆揚之民島夷
卉服矧又過此以往邪百粵之取始自漢武郡國雖叛
衣冠未楚所謂粵人無用章甫常衮化之士乃文舉然
則論淺深之時較久近之序烏可與蜀同日而語王莽
元舅霍山冢勲遺愛帝塚林甫皇孫許李聯階於黼座


封裴接棟於楓宸既同心於肺腑亦託體於親鄰逞螭
螫之毒噬為虺蝮於君親是則勢疎者未必孽惡地近
者未必誠純我雖遠於國而忠則邇也高下既別一凸
一凹太行成皋三門二峭或壯帝王之形勢或資姦盜
之魚休或王路之攸梗或伏兵之所交正用之則亦在
德只邪憑之則遂為寇巢吾人之心如砥吾人之行如
螳結羶美於一心捐崎嶇於萬里申韓生於中土不免
為僻學鄭衛作於中州不免為僻樂九野同列於地何

獨非梁益之墟四隅無私於天曷常戾西南之角況乎
江行地脈鮮決埽而敗岸星直天狼工弭姦而觸惡肖
此正氣挺吾先覺節以遇立文非苟作王褒明君臣之
合何武憤福威之削張綱扼腕於跋扈揚子甘心於寂
寞相如不數子昂見却謂誦述以阿諛恐吾徒之貽忤
才高則委靡面醜氣直則回邪膽落彼徒嫉於西子殊
不慙其鄭璞不意兒曹惜其志行之僻反以居處僻我
也且圃植蕙而菜育畦蔬禾而莠生梟倫鳳族蜥肖龍

蟠君子小人常溷其間古何邦而無佞亦何地而無賢
龜蒙孔孟之攸宅冀北唐虞之所營宜丘門之不雜何
蹠黨之橫行鯨為父而禹子蔡為弟而旦兄導挺節而
敦逆奕推忠而杞姦彼為同屬以行異況指一方而槩
言吾請與子姑置遠近之殊而撫正邪之辨晉取之魏
魏取之漢功非定亂位實圖篡思誠晉人言諛而辯辭
抑蜀以黜吳志借魏而佞晉魏為高廟之寇賊蜀寔中
山之宗姓不然何故進亂世之姦雄而沮先王之技屬

乎況蜀以得賢而王以失賢而亡魏以已篡而張以人
篡而戕彼賦魏事徒言刑罰之清平胡不言文若之殞
命也彼言忠良之聚會胡不言三馬之食槽也詞未及
已客奮而起獲聞高義欽服厥旨歎草澤之空言不能
廷辨於天子

御定歷代賦彙卷三十二



總校官庶吉士臣張能照
校對官編修臣楊壽楠
謄錄監生臣高瑞相